



Ulloq: 4. juni 2024
Allaffik: Nordatlantkontoret
Sulia.sul.: Ketilbjørn Hertz
Suliap normua: 2023-08423
Takussutissiaq: 3039047

UUNGA MISSINGIUT

Kalaallit Nunaanni eqqartuussisarnermik inatsisip allanngortinneqarnissaa
pillugu inatsisissatut siunnersuut
(akiliisitsisarnermut eqqartuussivik ikiorsiullugu akiligassanik
akiliisitsiniarneq)

§ 1

Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq, kingusinnerusukut inatsit nr. 1781, 28. december 2023-imeersoq, inatsit nr. 1782-imi § 2, 28. december 2023-imeersoq Intasit 1794, 29. december 2023-imeersoq aammalu inatsit 411, 23. april 2024-imeersoq, aqqutigalugit allanngortinneqartoq, malillugit Kalaallit Nunaanni eqqartuussisarnermik inatsimmi allannguutit tulliuttut suliarineqassapput.

1. § 262-ip kingorna *immikkoortumi III-imi ilanngunneqassaaq*:

»Kapiteli 22

*Akiliisitsisarnermut eqqartuussivik ikiorsiullugu akiligassanik
akiliisitsiniarneq*

§ 263. Akiligassallip piumasaqaammut akerliliinnginnissaa imaluunniit illuatungaanit piumasaqaateqarnissani piumasarissanngikkaa akiligassaqaarfiup ilimaginnippagu, kapitalimi matumani malittarisassat aningaasanut piumasaqaataasunut annerpaamik 100.000 kr.-iusunut atorneqarsinnaapput. Erniat aningaasartuutillu piumasaqaatip nalingata naatsorsorneqarnerani ilaatinneqassanngillat.

Imm. 2. Akiliisitsiniarnermut eqqartuussivik ikiorsiullugu akiligassanik akiliisitsiniarnermi aamma tassani akiligassallit arlallit taaneqarsimappata, akiligassalinnut tamanut immikkut immikkoortillugit malittarisassat §§ 263 d-miit 263 g ilanngullugu allassimasut atorneqassapput.

§ 263 a. Akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarneratigut akiliisitsiniarneq aallartinneqassaaq.

Imm. 2. § 263 b, imm. 2, nr. 2 malillugu, akiligassallip pigisanik tigusinissaq nutaamik noqqaassuteqarani aallartinneqarnissaa akiligassaqaarfiup noqqaassutigippagu, § 601, imm. 1 aamma imm. 2-mi oqaaseqatigiit aappaat malillugit eqqartuussiviup piumasaqaatinik tamarmiusunik suliarinniffiusinnaasup Kalaallit Nunaanniinnissaa piumasaqaataavoq.

Imm. 3. Aalajangersakkat taakku eqqortinneqarnerisa, taamaaliortoqanngippat akiligassarineqartut pisassarisat akilinngitsoorneqarnissaannik ilimanartorujussuarmik aarlerinaammik kinguneqassanngippata, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussiivimmut tunniunneqannginnerani, akiligassalimmut akiligassanik akileeqqusissummik, imm. 4-imik aamma 5-imik piumasaqaatinik naammassinnittumik nassiussisoqarsimassaaq, aamma piffissaliusaaq imm. 5-imi taaneqarsimasooq, naareersimassaaq.

Imm. 4. Akiligassanik akileeqqusissummi paasissutissat tamarmiusut, pisassarisap akiligassalimmit nalilersorneqarnissaanut pisariaqartinneqartut, erseqqissumik taaneqassapput.

Imm. 5. Piffissap sorliup iluani, akiligassalimmut aningaasartuutininik akiligassat annertusineqarnissaannut iliuseqarfiusussaannngitsup, akiligassallip pissarisamik naammassillugu akiliiffigisinnaasaa, akiligassanik akileeqqusissummi taaneqassaaq. Akiligassanik akileeqqusissutip nassiunneqarneranit, ullunik minnerpaamik 14-inik piffissaliusaaq sivisussuseqassaaq.

§ 263 b. Akiliisitsiniarnermut eqqartuussivik ikiorsiullugu akiligassanik akiliisinniarneq tulliuuttunik imaqaassaaq

- 1) akuusut atii aamma najugaat, matumani najugaq, akiligassa qarfirmut nalunaarutininik nassiussiffigineqarsinnaasoq,
- 2) akiligassa qarfiup piumasagaataa aamma
- 3) akiligassa qarfiup piumasagaataanut tunuliaqutaasup allaaserineqarnera.

Imm. 2. Paasissutissat tulliuuttut pillugit aammattaq akiliisitsiniarnermut eqqartuussivik ikiorsiullugu akiligassanik akiliisitsiniarneq imaqaassaaq,

- 1) § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31, 171 imaluunniit § 207, imm. 1 malillugit akiligassap pigisaanik tigusisoqarsinnaanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassalimmut nalunaarutiginnittoqarnissaa akiligassa qarfiup kissaatigineraa,
- 2) akiligassalik akerliliinngippat, akiligassallip pigisaanik tigusinissaq nutaamik noqqaassuteqaqqaarnani aallartinneqassanersoq, akiligassa qarfiup kissaatigineraa, aamma
- 3) akiligassalik akerliliippat, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmi suliassamik suliarrinneq aallartinneqarnissaa, akiligassa qarfiup kissaatigineqarneraa.

Imm. 3. Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu Domstolsstyrelse malittarisassanik erseqqinnerusunik aalajangersaasinnaavoq, matumani immersugassat immikkut ittut atornerarneqarnissaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup assilillugu sanaqqinneqarnerata tunniunneqarnissaa ilanngullugit.

Imm. 4. Nunatsinni Eqqartuussivik immersugassat immersorneqarneranni ilitsersuissaaq.

§ 263 c. Akiliisitsiniarnermut eqqartuussivik ikiorsiullugu akiligassanik akiliisitsiniarnerup piumasagaatit §§ 263-263 b-miittut eqquutinngippagit, aalajangiinikkut suliaraq itigartitsissutigineqassaaq. Suliap saqqummiunneqarnerani akiligassa qarfiup piumasagaatai tunngavissaqanngitsutut isigineqarpata, tamanna aamma atuuppoq. Akiligassa qarfigineqartup noqqaassuteqarneratigut itigartitsineq pillugu aalajangiineq tunngavilersorneqassaaq.

Imm. 2. Imm. 1-imi amigaatit taaneqartut pillugit akiligassa qarfigisap amigaatit iluarsineqarnissaannut akiligassa qarfigisap eqqartuussiviup piffissaliussamik tunisinaavaa.

Imm. 3. Suliami aningaasartuutigineqartut akilerneqarnissaat pillugit eqqartuussivik aalajangiissaaq aamma akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanna pillugu oqaaseqaateqassaaq.

§ 263 d. § 603, imm. 1, imaluunniit akiliisinaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusisoqarsinnaanngippat, aamma § 263 b, imm. 2, nr. 1 malillugu akiligassa qarfiup taamaattoqassappat nalunaarutiginninnerup pinngitsoortigineqannginnissaa noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup imm. 2-mi ilitsersuummi taaneqartumi ilanngunneqartup, akiligassalimmut nalunaarutigineqarnissaa eqqartuussiviup isumagissavaa.

Imm. 2. Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussutip inatsisitigut malitseqartinneqarnera pillugu, aamma akiligassallip nammineq soqutigisami isumaginissaannut qanoq iliuseqartariaqarnera pillugit, akiligassalimmut ilitsersuummik Domstolsstyrelse suliaqassaaq.

§ 263 e. Piumasaqaammut akiligassalik akerliliippat, akiligassallip akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnerup kingorna, sapaatit akunneri 4 qaangiutsinnagit akiligassalik allakkatigut tamanna pillugu eqqartuussivimmut nalunaaruteqassaaq.

§ 263 f. § 263 e malillugu piffissaq eqqorlugu akerliliineq saqqummiunneqanngippat, akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanna pillugu eqqartuussivik oqaaseqaateqassaaq aamma akuusut nalunaarfigissallugit. § 263 b, imm. 2, nr. 2 malillugu nutaamik noqqaassuteqartoqartinnagu akiligassallip pigisaanik tigusinissap suliarineqarnissaa akiligassa qarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup najukkami eqqartuussivimmut nassiutissavaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassinninnaanermut naligiissinneqassaaq.

Nutaamik noqqaassuteqarnani akiligassallip pigisaanik tigusinissap suliarineqarnissaa akiligassaqarfiup noqqaassutigisimangippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup akiligassaqarfimmut nassitissavaa.

Imm. 2. Imm. 1-imi oqaaseqatigiit siulliit malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaateqarfigineqarpat, taanna eqqartuussutitut unioqputinneqartussaannngitsumik sunniuteqalissaaq.

Imm. 3. Sapaatit akunnerini 4-ni piffissaliussap iluani suliap aallarteqqinneqarnissaa akiligassallip piumasaaqatigisinnaavaa. Noqqaassut Nunatsinni Eqqartuussivimmut saqqummiunneqassaaq. Noqqaassut najukkami eqqartuussivimmut saqqummiunneqarpat, najukkami eqqartuussiviup erngerluni tamanna pillugu Nunatsinni Eqqartuussivik nalunaarfigissavaa. Noqqaassut kingusinnerusukkut, kisianni ukioq 1 qaangiutsinnagu, saqqummiunneqarpat, qaqutiguinnaq Nunatsinni Eqqartuussiviup suliaq aallarteqqissinnaavaa. Akiligassalimmit suliamut aningaasartuutit, akileqquneqartut, akilerneqarnissaat imaluunniit qularnaveeqquserneqarnissaat, aallartitseqqinnissamut piumasaaqatigineqarsinnaapput.

Imm. 4. Suliaq aallarteqqinneqarpat, imm. 1-imi oqaaseqatigiit siulliit malillugit oqaaseqaat eqqartuussiviup atorunnaarsissavaa, aamma § 263 g malillugu suliaq ingerlatilissallugu.

§ 263 g. § 263 e malillugu piffissaq eqqorlugu piumasaaqammut akerliliisoqarpat, aamma § 263 b, imm. 2, nr. 3 malillugu eqqartuussivimmut sassaqqusissummik tunniussinani eqqartuussivimmi suliap aallartinneqarnissaa akiligassaqarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut sassaqqusissutitut naligiissinneqartoq, tunngavigalugu eqqartuussivimmi suliaq eqqartuussiviup aallartissavaa. Eqqartuussivimmi suliap eqqartuussivimmut sassaqqusissummik tunniussinani aallartinneqarnissaa akiligassaqarfigisap noqqaassutigisimangippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqarfimmut nassinneqassaaq, aamma tamanna pillugu akiligassalik nalunaarfigineqassaaq.«

2. § 598, imm. 1, nr. 1-imi, »naammassiniarneqarsinnaasut,« kingorna ilanngunneqassaaq: »akiliisitsiniarnermut eqqartuussivik ikiorsiullugu

akiligassanik akiliisitsiniarnerit § 263 f, imm. 1 malillugu oqaaseqaatitaqartut«.

3. § 599-imi imm. 2-p kingorna immikkoortutut nutaatut ilanngunneqassaaq:

»Imm. 3. Akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq, erngerluni naammassinninniutigineqarsinnaavoq.«

Tamatuma kingorna imm. 3-miit 6 ilanngullugu imm. 4-imiit 7 ilanngullugu immikkoortunngussapput.

4. § 600, imm. 1-imi, oqaaseqatigiit aappaanni, »Imm. 6« ima allanngortinneqassaaq: »Imm. 7«.

5. § 609, imm. 3-mi, »aalajangiissutillu« kingorna ilanngunneqassaaq: »kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq,«.

6. § 708 sioqqullugu qulequtaq ima oqaasertalerneqassaaq:

»Innuttaasut pillugit eqqartuussivimmi suliat eqqartuussummik naammassineqartut aamma akiliisitsiniarnermi eqqartuussivik ikiorsiullugu akiligassanik akiliisitsiniarnerit«.

7. § 708-imi »siullermeeriffiusumik« kingorna ilanngunneqassaaq: »aamma akiliisitsiniarnermut eqqartuussivik ikiorsiullugu akiligassanik akiliisitsiniarneq«.

8. § 708-imi imm. 2-tut ilanngunneqassaaq:

»Imm. 2. § 603, imm. 1 malillugu akiligassallip pigisaanik tiguisoqarnissaata itigartitsissutigineqarnera, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 pissutigalugit akiliisitsiniarnermut eqqartuussivik ikiorsiullugu akiligassanik akiliisitsiniarnermut nalunaarutiginninnerup nalunaarutigineqarnera pinngitsoorpat, aamma § 263 b, imm. 2, nr. 1 malillugu taamaattoqassappat nalunnarutiginninnerup pinngitsoortinneqarnissaa akiligassaqarfiup noqqaassutigisimappagu, akitsuutinik akiliisussaanermut pisussaaffik atorunnaarsinneqassaaq.«

9. § 715, nr. 1-imi, »suliassanngortitsissutitut« kingorna ilanngunneqassaaq: », akiliisitsiniarnermut eqqartuussivik ikiorsiullugu akiligassanik akiliisitsiniarneq«.

10. § 720-imi imm. 1-p kingorna immikkoortutut nutaatut ilanngunneqassaaq:

»Imm. 2. § 263 f, imm. 1-imi oqaaseqatigiit aappat malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninniaaneq aallartinneqarpat, imm. 1, nr. 1 malillugu akitsuut akilerneqassanngilaq, taamaattoq § 722 takuuk.«

Tamatuma kingorna imm. 2-miit 4 ilanngullugu imm. 3-miit 5 ilanngullugu immikkoortunngussapput.

§ 2

Inatsit ulloq 1. juli 2025 atuutilissaaq.

Inatsisissatut siunnersuummut oqaaseqaatit

Oqaaseqaatit nalinginnaasut

Ujarliutit

- 1. Aallaqqaasiut**
- 2. Akiliisitsiniarnermut eqqartuussivik ikiorsiullugu akiligassanik akiliisitsiniarneq**
 - 2.1. Inatsisit atuuttut**
 - 2.2. Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq**
- 3. Pisortanut aningaasaqarnikkut kingunissai aamma atortuulersitsinermi kingunissaa**
- 4. Inuussutissarsiornermut il.il. aningaasaqarnikkut allaffissornikkullu kingunissaa**
- 5. Innuttaasunut allaffissornikkut kingunissaa**
- 6. Silap pissusaanut tunngasumik kingunissaa**
- 7. Avatangiisinut- pinngortitamullu kingunissaa**
- 8. EU-mi inatsisitigut tunngassuteqartut**
- 9. Oqartussat suleqatigiiffillu il.il. tusarniaaffigineqartut**
- 10. Immersugaq eqikkaaffiusoq**

1. Aallaqqaasiut

Naalagaaffeqatigiini Kalaallit Nunaannut naligiimmik, pitsaasumik aamma patajaatsumik peqatigiinnissaq naalackersuisut kissaatigaat. Kalaallit Nunaat peqatigalugu taamaammat qallunaat akisussaaffii naalackersuisut ineriartortinniarpaat, ilaatigut suliassaqarfinni, Danmarkip akisussaaffigisaani inatsisiliornerit nutarterneqarnerisigut. Kalaallit Nunaannut inatsisiliornerit, Danmarkip akisussaaffigisaasa, ullumikkumut naleqquttuunissaat aamma pitsaasumik pitsaassuseqarnissaat pingaaruteqarpoq.

Aningaasanik akiliisitsiniarneq pillugu suliat piuminarnerusumik suliarineqartarnerat pillugu periarfissat Danmarkimi atuuttut, Kalaallit Nunaanni eqqartuussisarnermi eqqunneqarnissaat, Naalackersuisut noqqaassutigisimavaat.

Naalakkersuisut noqqaassutaat Inatsiseqarnermut ministereqarfiup isumaqatigaa, aamma Kalaallit Nunaanni eqqartuussisarnermik inatsimmi akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu malittarisassanik ilanngussisoqarnissaa, tamanna tunngavigalugu siunnersuutigineqarpoq.

Allamik allassimasoqartinnagu, inatsisissatut siunnersuummut oqaaseqaatini »eqqartuussisarnermik inatsit«-mut innersuussisoqartillugu, Kalaallit Nunaanni eqqartuussisarnermik inatsit pineqarmat maluginiarneqassaaq.

2. Akiliisitsiniarnermut eqqartuussivik ikiorsiullugu akiligassanik akiliisitsiniarneq

2.1. Inatsisit atuuttut

Eqqartuussisarnermik inatsimmi § 57 malillugu Nunatsinni Eqqartuussivik inuit sakkutuujungitsut pillugu eqqartuussivimmi suliaassanut suliarinneqqaarfiuvoq.

Eqqartuussivimmi suliaq, Nunatsinni Eqqartuussiviup ataaniittoq, eqqartuussisarnermik inatsimmi § 202 malillugu najukkami eqqartuussivimmi suliarineqarsinnaasoq, akuusut isumaqatigiissutigisinnaavaat. Taamaattoq taamaattumik isumaqatigiissusiortoqaraluartoq, suliaq ajornakusoortuuppat imaluunniit inatsisitigut apeqqutinik tunngassuteqarpat, suliaq pingaaruteqartut pissuseqarpat imaluunniit suliaq akuusumut immikkut ittumik akuliunnertut sunnuteqarpat, § 56 malillugu najukkami eqqartuussiviup Nunatsinni Eqqartuussivimmut innersuussinnaavaa.

Akiligassanik akiliisitsiniarneq pillugu suliarinninneq pillugu malittarisassanik immikkut ittunik aalajangersaasoqanngilaq, imaappoq suliat aningaasat pillugu piumasaqaatinut tunngassuteqartut pillugit, tassani akiligassalimmit piumasaqaammut akerliliisoqarnani.

2.2. Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq

2.2.1. Inatsisikkut nr. 450-ikkut, 9. juni 2004-imeersukkut, 1. januar 2005-imi atuutilersukkut, aningaasanik piumasaqaatit assortorneqanngitsut

akiliisitsiniutigineqarnerisa ajornannginnerulersinneqarnissaat siunertaralugu, piuminarnerusumik akiligassanik akiliisitsiniarnermik ingerlatsineq pillugu malittarisassanik nutaanik qallunaat eqqartuussisarnermik inatsisaanni ilanngussisoqarpoq. Akiligassanik akiliisitsiniarnermik ingerlatsineq ajornannginnerusoq, akiligassa qarfigisamit nammineq qinerneqarsinnaasoq, pingaarnertut tulliuttunik imaqarpoq:

- Akiligassa qarfigisaq akiliisitsisarnermut eqqartuussivimmut akiliinissaq pillugu piumasaqaammik (akiliisitsiniarnermut eqqartuussivik ikiorsiullugu akiligassanik akiliisitsiniarnermik) tunniussissaaq. Akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassanik akiliisitsiniarnermi suliassaq pillugu eqqartuussivimmut sassaqqusissummi paasissutissat assinginik imaqassaaq (ingammik akuusut atii najugaallu, piumasaqaat aamma tassunga tunngavilersuut).

- Akiliisitsiniarnermut eqqartuussivik ikiorsiullugu akiligassanik akiliisitsiniarneq (akiliisitsisarnermut eqqartuussiviup misissuinernik aallarnersaataasunik misissuereernerata kingorna) eqqartuussivimmut sassaqqusissutip assingatulli akiligassalimmut nalunaarutigineqassaaq. Akiligassallip piumasaqaat akuerisinnaanngippagu, akiligassalik ullut 14-it qaangiutsinnagit akiliisitsisarnermut eqqartuussivimmut allakkatigut akerliliissuteqassaaq. Akerliliissut erseqqinnerusumik tunngavilersorneqartariaqanngilaq.

- Akiligassalik ullut 14-it qaangiutsinnagit *akerliliinngippat*, akiliisitsisarnermut eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq tamanna pillugu oqaaseqaate qarfigissavaa. Akiligassa qarfigisaq aamma akiligassalik akiliisitsisarnermut eqqartuussiviup tamanna pillugu nalunaarute qarfigissavai. Akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitaqartoq, pinngitsaaliinikkut naammassinninniaanermut tunngavittut atorneqarsinnaavoq aamma eqqartuussutitut unioqqutinneqartussaannngitsumik sunniuteqassalluni. Akiligassalik akerliliinngippat, akiligassa qarfigisamit nutaamik noqqaassuteqarnani, suliaq pinngitsaaliinikkut naammassinninniaanermik nangingneqassasoq, akiliisitsiniarnermut eqqartuussivik ikiorsiullugu akiligassanik akiliisitsiniarnermi taaneqarsinnaavoq.

- Akiligassalik ullut 14-it qaangiutsinnagit akerliliippat, suliaq akiligassanik akiliisitsiniaanertut ingerlaqqissinnaanngilaq. Taamaattoqarpat isumaqatigiinnngissut inuit sakkutuujunngitsut pillugit eqqartuussivimmi suliatut nalinginnaasutut aalajangiiffigineqassaaq. Akiligassalik akerliliippat, akiligassa qarfigisamit nutaamik noqqaassuteqarnani, suliap eqqartuussivimmi suliatut nanginneqarnissaa, akiliisitsiniarnermut eqqartuussivik ikiorsiullugu akiligassanik akiliisitsiniarnermi taaneqarsinnaavoq.

2.2.2.

Aningaasanik akiliisitsiniarneq pillugu suliat piuminarnerusumik suliarineqartarnerat pillugu periarfissat Danmarkimi atuuttut, Kalaallit Nunaanni eqqartuussisarnermi eqqunneqarnissaat, Naalakkersuisut noqqaassutigisimavaat.

Naalakkersuisut noqqaassutaat Inatsiseqarnermut ministereqarfiup akuersaarsinnaavaa.

2.2.3. Kalaallit Nunaanni eqqartuussisarnermik inatsimmi akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu malittarisassanik ilanngussisoqassasoq, tamanna tunngavigalugu siunnersuutigineqarpoq.

Taamaattoqassappat akiligassalimmut nalunaarutiginnittoqartinnagu, inuit sakkutuujunngitsut pillugit eqqartuussivimmi suliani, najuutinngitsoornermi eqqartuussutit nalunaarutigineqannginneranni inatsisitigut nakkutiginninnerit eqqartuussiviup suliarisartagaasa assingisut, akiliisitsiniarnermut eqqartuussivik ikiorsiullugu akiligassanik akiliisitsiniarnerup inatsisitigut nakkutilliiffigineqarnera pissuseqarpoq.

Inuit sakkutuujunngitsut pillugit eqqartuussivimmi suliat aamma taamaammat najuutinngitsoornermi eqqartuussutit nalunaarutigineqannginneranni inatsisitigut nakkutiginninnerit Nunatsinni Eqqartuussivimmit suliarineqartarmata, Kalaallit Nunaanni akiliisitsiniarnermut eqqartuussivik ikiorsiullugu akiligassanik akiliisitsiniarnerit Nunatsinni Eqqartuussivimmi suliarineqartassasut, aamma Danmarkimi akiliisitsisarnermut eqqartuussivimmi suliarineqartarnerisut suliarineqartassanngitsut, siunnersuutigineqarpoq.

Piomasagaammut akiligassalik akerliunngippat, taamaattoqassappallu akiliisitsiniarnermut eqqartuussivik ikiorsiullugu akiligassanik akiliisitsiniarneq nutaamik noqqaassuteqaqqaarani pinngitsaaliinikkut naammassinninniaanissaq aamma akiligassaqaarfiup noqqaassutigisimappagu, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq najukkami eqqartuussivimmut nassitutissavaa, taassumalu tamatuma kingorna tamanna tunngavigalugu akiligassaqaarfik nutaamik noqqaassuteqartinnagu pinngitsaaliinikkut naammassinninniaaneq aallartissavaa. Soorlu Danmarkimi pisartutut noqqaassut ataaseq tunngavigalugu akiligassaqaarfiup, ataqatigiissumik suliap ingerlanneqarnerani piomasagaat aalajangersarneqartissinnaavaa aamma pinngitsaaliinikkut naammassinninniaaneq naammassitissinnaallugu.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu suliassap suliareqqitassanngortinneqarnissaa pillugu akiligassallip noqqaassutaa, najukkami eqqartuussiviup tigusinnaasariaqassagaa aamma Nunatsinni Eqqartuussivimmut ingerlateqqissinnaasariaqassagaa, aammattaaq siunnersuutigineqarpoq.

Danmarkimi nalunaarutiginninneq pippat, piffissaliusseq ullut 14-ugaluartut, aamma Kalaallit Nunaanni, Savalimmiuni imaluunniit nunani allani nalunaarutiginninneq pippat, aamma sapaatit akunneri 4-galuartut, akiligassallip piomasagaammut akerliliissuteqarsinnaanera akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutigineqarneranit pisuni tamani sapaatit akunneri 4-maassasut, Kalaallit Nunaanni pissutsit malitsigisaannik siunnersuutigineqarpoq,

Danmarkimi piffissaliusseq ullut 10-ugaluartut, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarsinnaanera sioqqullugu, akiligassanik akileeqqusissummi, aallaaviatigut akiligassalimmut nassiuunneqartussami, suli allanik aningaasartuutilersuutaassussaannigitsumik, akiligassalik minnerpaamik ullunik 14-inik, allanik piomasagaammut akiliinissaminut piffissalernerneqassasoq, aammattaaq siunnersuutigineqarpoq.

3. Pisortanut aningaasaqarnikkut kingunissai aamma atortuulersitsinermi kingunissaa

Akiliisitsisarnermut eqqartuussivik ikiorsiullugu akiligassanik akiliisitsiniarnerit isumagineqarnissaannut it- atorlugu aaqqiissutip ineriartortinneqarneranut atortuulersinneqarneranullu atasumik 2025-imi eqqartuussivinnut 0,5 mio. kr.-inik aningaasartuuteqarnerunissaq kiisalu sulianik suliarinnittarnerup allanngortinneqarnerata kingunerisaanik, sulisut, ilaatigut Kalaallit Nunaanni najukkani eqqartuussivinniittut, piginnaasaasa ineriartortitsivigineqarnerannut pisariaqartinneqartumut 2025-imi 0,2-0,3 mio.kr.-it missaaniittunik aningaasartuuteqarnerunissaaq, inatsisissatut siunnersuutip kingunerissagaa naatsorsuutigineqarpoq.

4. Inuusutissarsiornermut il.il. aningaasaqarnikkut allaffissornikkullu kingunissaa

Piumasaqaammut akiligassalik akerliliisoqarsimatinnagu, aningaasanik piumasaqaatit annerpaamik 100.000 kr.-iusut pillugit ajornannginnerusumik akiliisitsiniaassutigineqarnissaat, inatsisissatut siunnersuutip periarfissiissutigaa, taamaaliornerullu suliffeqarfinnut allaffissornikkut aningaasaqarnikkullu oqilisaataasinnaanera naatsorsuutigineqarpoq.

5. Innuttaasunut allaffissornikkut kingunissaa

Piumasaqaammut akiligassalik akerliliisimatinnagu, aningaasanik piumasaqaatit annerpaamik 100.000 kr.-iusut pillugit ajornannginnerusumik akiliisitsiniaassutigineqarnissaat, inatsisissatut siunnersuutip periarfissiissutigaa, taamaaliornerullu innuttaasunut allaffissornikkut aningaasaqarnikkullu oqilisaataasinnaanera naatsorsuutigineqarpoq.

6. Silap pissusaanut tunngasumik kingunissaa

Inatsisissatut siunnersuut silap pissusaanut imaluunniit avatangiisinut sunniuteqassanngilaq.

7. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

8. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami ullormit [*] 2024-imiit ullormut [*] 2024 oqartussaasunut suliniaqatigiiffinnullu il.il. tulliuttunut nassiullugu tusarniutigineqarsimavoq:

[*]

9. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuuteqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Akiliisitsisarnermut eqqartuussivik ikiorsiullugu akiligassanik akiliisitsiniarnerit isumagineqarnissaannut it- atorlugu aaqqiissutip ineriartortinneqarneranut atortuulersinneqarneranullu u atasmik 2025-imi eqqartuussivinnut 0,5 mio. kr.-inik aningaasartuuteqarnerunissaq aq kiisalu sulianik suliarinnittarnerup allanngortinneqarnerata kingunerisaanik, sulisut, ilaatigut Kalaallit Nunaanni najukkani eqqartuussivinniittut, piginnaasaasa ineriartortitsivigineqarneran- nnut pisariaqartinneqartumut 2025-imi 0,2-0,3 mio.kr.-it missaaniittunik

		aningaasartuuteqarnerunissaaq, inatsisissatut siunnersuutip kingunerissaa naatsorsuutigineqarpoq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Akiliisitsisarnermut eqqartuussivik ikiorsiullugu akiligassanik akiliisitsiniarnerit isumagineqarnissaannut itatorlugu aaqqiissutip ineriartortinneqarnera atortuulersinneqarneralu
Inuussutissarsiortunut aningaasaqarnikkut kinguneri	Aningaasanik piumasaqaatinik annerpaamik 100.000 kr.-iusunik piumasaqaammut akerliliisoqarsimatinnagu akiliisitsiniarneq suliffeqarfinnut oqilisaataassaaq.	Soqanngilaq
Inuussutissarsiortunut allaffissornikkut kinguneri	Aningaasanik piumasaqaatinik annerpaamik 100.000 kr.-iusunik piumasaqaammut akerliliisoqarsimatinnagu akiliisitsiniarneq suliffeqarfinnut oqilisaataassaaq.	Soqanngilaq
Innuttaasunut allaffissornikkut kinguneri	Aningaasanik piumasaqaatinik annerpaamik 100.000 kr.-iusunik piumasaqaammut akerliliisoqarsimatinnagu akiliisitsiniarneq innuttaasunut oqilisaataassaaq.	Soqanngilaq
Silaannaap pissusaanut kinguneri	Soqanngilaq	Soqanngilaq
Avatangiisinut-pinngortitamullu kinguneri	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	

<p>EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi minnerpaamik piumasaqaatinik qaangiivoq (X-ileruk)</p>	<p>Aap</p> <p>Naagga X</p>
---	---------------------------------

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Eqqartuussisarnermik inatsimmi inuit sakkutuujunngitsut pillugit suliat suliarineqartarnerat pillugu immikkoortoq III-mi akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu *kapitali 22* nutaaq ilanngunneqassasoq siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniartarneq pillugu malittarisassat akiligassaqaarfimmut neqeroorutaavoq, piumasaaqaatillu naammassineqarsimatillugit atorneqarsinnaalluni. Naak akiliisitsiniartarfik ikiorsiullugu akiligassanik akiliisitsinerup tunniunneqarnissaanut piumasaaqaatit naammassineqaraluartut, akiligassaqaarfiup qinigassatut allatut nalinginnaasumik eqqartuussivimmi suliassamik aallaartitsinissaq toqqarsinnaavaa.

Inatsisissatut siunnersuummi nalinginnaasumik oqaaseqaatini imm. 2 nalinginnaasumik innersuussutigineqarpoq.

§ 263-imut

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu kapitali 22-ip atuuffissaa § 263-itut siunnersuutigineqartumi pineqarpoq.

Akiligassallip piumasaaqammut akerlilinnginnissaa imaluunniit illuatungaaniit piumasaaqammik piumasaaqaateqarnissaa akiligassaqaarfiup ilimaginngippagu, aningaasanik piumasaaqaatit annerpaamik 100.000 kr.-iusut akilerneqareersimasussaagaluit, akiliisitsiniutigineqarnissaat kapitalimi matumani malittarisassani § 263, imm. 1-imi siunnersuutigineqarpoq. Piumasaaqaatip nalingata naatsorsorneqarnerani erniat aningaasartuutillu ilaatinneqanngillat.

Eqqartuussisarnermik inatsimmi § 1 malillugu, akiliisitsiniarnermut eqqartuussivik ikiorsiullugu akiligassanik akiliisitsineq pillugu

malittarisassat, sulianut eqqartuussiviit nalinginnaasut ataaniittunut tamanut atorpeqarsinnaapput.

Aningaasanik piunasaqaatit akilereerneqareersimasussaagaluit uani pineqassapput. Piunasaqaammut suna tunngaviunersoq apeqqutaanngilaq, assersuutigalugu isumaqatigiissutaanersut, ajoqutaasumik iliuuseqarnerunersut imaluunniit pisortat pillugit inatsiseqartitsinermut tunngasumik pisussaaffiunersut apeqqutaanngilaq. Kisianni piunasaqaat akilereerneqareersimasussaagaluartuussaaq aamma nalilimmik illuatungiliinertaqassanani.

Piunasaqaat annerpaamik 100.000 kr.-iussaaq. Uani erniat aningaasartuutillu naatsorsuinerminni ilaatinneqassanngillat. Taarsigassarsiat atsiorneqarnerminni angissusaasa, akiliisitsiniarnermut eqqartuussivik ikiorsiullugu akiligassanik akiliisitsiniarnermi pineqartumi erniat pineqarnerat uani isiginiarneqarput. Akiliinissamik piunasaqaat taamaallaat ernianik aningaasartaqarpat – assersuutigalugu taarsigassarsiat atsiorneqarnerminni angissusaat akilereerneqarsimammat, imaluunniit taarsigassarsiat atsiorneqarnerminni angissusaat pillugu immikkut ittumik inatsisitigut tunngavissaqareerpat, aamma kingusinnerusukkut erniassat akilereerneqarnissaasa pisoqalisoorinissaat unitsinniarlugu, akiliisitsiniarnermut eqqartuussivik ikiorsiullugu akiligassanik akiliisitsiniarneq tunniunneqarpat – taamaattoq erniat ilaatinneqassapput aamma annerpaamik 100.000 kr.-iussallutik. Tassunga atatillugu eqqartuussiviit peqataatinnagit akiligassanik akiliisitsiniarnermi aningaasartuutit aamma eqqartuussivimmi suliarineqarnerani suliamut aningaasartuutit aningaasartuutitut ilaatinneqarput. Aningaasat, erniat aningaasartuutillu ilanngunnagit, aningaasat amerlassusiisa 100.000 kr.-it qaangerpatigit, akiliisitsiniarnermut eqqartuussivik ikiorsiullugu akiligassanik akiliisitsiniarneq itigartinneqassaaq.

Piunasaqaatit assigiinngitsut pillugit akiligassaqarfik akiliisitsiniarnermut eqqartuussivik ikiorsiullugu akiligassanik akiliisitsiniarnermik assigiinngitsunik tunniussisinnaanera akornutissaqanngilaq, taakku tamarmik immikkut 100.000 kr.-it qaangissanngilaat. Taamaattoqassappat akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanut immikkut akitsuutit, eqqartuussiviit naalagaaffik sinnerlugu akileqqutittagaat, akilereerneqassapput, tassami taakku piunasaqaatit assigiinngitsut pillugit eqqartuussivimmut sassaqqusissutit arlallit tunniunneqarnerisa assigimmasuk.

Akiligassa qarfiup akiliisitsiniarnermut eqqartuussivik ikiorsiullugu akiligassanik akiliisitsiniarnermi tassani piumasaqaatinik arlalinnik ilanngussisinnaanera aammattaq akornutissaqanngilaq, taakkulu tamarmik ataatsimut 100.000 kr.-it qaangissanngilaat, aamma taava taamaallaat akitsuut, eqqartuussiviit naalagaaffik sinnerlugu akileqqutittagaat, ataaseq taamaallaat akilerneqassaaq. Kisianni akiligassa qarfik tamakkiisuunngitsumik isumaqatigineqarsinnaanngilaq. Suliap saqqummiunneqarnerani piumasaqaat ataatsimoortoq tunngavissaqartutut eqqartuussiviup isigisinnaavaa, imaluunniit piffissaliussap eqqartuussivimmit aalajangerneqartup naannginnerani akiliisitsiniarnermut eqqartuussivik ikiorlugu akiligassanik akiliisitsiniarneq akiligassa qarfiup iluarsinngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq tamaat itigartinneqassaaq. Taamatuttaaq akiligassallit ataasiakkaat akerliliisinnaapput imaluunniit akerliliisanngillat. Akiligassalik, erseqqissumik piumasaqaatip ilaanut killilerneqartumik, akerliliissummik saqqummiussippat, akiligassalimmut tassunga tunngatillugu akiliisitsiniarnermut eqqartuussivik ikiorsiullugu akiligassanik akiliisitsiniarnerup ilaanut, akiligassallip akerliliinermik saqqummiussisimannginnera pillugu oqaaseqaatitalerneqassaaq.

Akiligassallip piumasaqaammut akerliliinnginnissaa imaluunniit illuatungaaniit piumasaqaateqannginnissaa akiligassa qarfiup naatsorsuutigissanngikkaa, naggataagut piumasaqaataavoq.

Akiliisitsiniarnermut eqqartuussivik ikiorsiullugu akiligassanik akiliisitsinermi tassani, akiligassallit arlallit taaneqarsimappata, akiligassalinnut tamanut immikkut §§ 263 d-miit 263 g ilanngullugu malittarisassat ator neqassasut, § 263, imm. 2-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassallit arlallit taaneqarsimappata, akiligassalinnut tamanut immikkut eqqartuussisarnermik inatsimmi §§ 263 d-miit 263 g ilanngullugu siunnersuutigineqartut ator neqarnissaat, siunnersuutip kinguneraa. Kisianni akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassallit arlallit taaneqarsimanagerat apeqqutaatinnagu, akiliisitsiniarnermut eqqartuussivik ikiorsiullugu akiligassanik akiliisitsiniarnermi § 263, imm. 1, aamma §§ 263 a-miit 263 c ilanngullugu malittarisassatut siunnersuutigineqartut ataatsimoortillugit ator neqassapput. Akiliisitsiniarnermut eqqartuussivik ikiorsiullugu

akiligassanik akiliisitsiniarnermi tassani akiligassallit arlallit taaneqarsimatillugit, aalajangersakkat taaneqartut tamarmik immikkut atorneqarnissaat pillugit erseqqinnerusumik tulliuttuni nassuiaatigineqassapput.

Soorlu qulaani aamma taaneqartut, akiligassallit tamaasa pillugit aningaasanik piumasaqaatit akilerneqareersimasussaagaluit akiliisitsissutiginiarneqarnerat *pineqassasoq*, akiliisitsiniarnermut eqqartuussivik ikiorsiullugu akiligassanik akiliisitsiniarnermi ataatsimi annerpaamik (erniat aningaasartuutillugu ilanngunnagit) katillugit 100.000 kr.-it *akiliisitsiniutigineqassasut*, aamma akiligassallit taakku piumasaqaammut akerlilinnginnissaat imaluunniit illuatungaaniit piumasaqaateqannginnissaat *akiligassaqarfup* naatsorsuutigissagaa, akiliisitsiniarnermut eqqartuussivik ikiorsiullugu akiligassanik akiliisitsiniarnermut tamakkiisumut, § 263, imm. 1-itut siunnersuutigineqartup atorneqartussaanerata kinguneraa. Assersuutigalugu akiligassalinnut marlunnet assigiimmik pisussaaffeqarlutik akisussaaffeqartunut 100.000 kr.-inik akileeqqullugit, imaluunniit akiligassallit marluk tamarmik immikkut 50.000 kr.-inik akiliinissaat pillugit piumasaqaammik saqqummiussisoqarsinnaanera, aningaasat amerlassusiisa qaffasinnerpaaffissaata 100.000 kr.-iusup (erniat aningaasartuutillu ilanngunnagit), kinguneraa. Kisianni akiliisitsiniarnermut eqqartuussivik ikiorsiullugu akiligassanik akiliisitsiniarnermi ataatsimi assersuutigalugu akiligassallit marluk tamarmik immikkut 60.000 kr.-inik akiliinissaat pillugit piumasaqaammik saqqummiussisoqarsinnaanngilaq.

Akiligassalinnut tamanut tunngatillugu, § 263 a-tut siunnersuutigineqartumi malittarisassat akiliisitsiniarnermut eqqartuussivik ikiorlugu akiligassanik akiliisitsinermut tamarmiusumut atorneqarnissaasa, ilaatigut Kalaallit Nunaanni piumasaqatinik tamarmik suliarinniffiusinnaasumik eqqartuussiveqarnissaa, kinguneraat. Akiligassanik akileeqqusissutip eqqartuussivimmut tunniunneqannginnerani, akiligassalimmut akileeqqusissummik nassiussisoqarsimanissaa, § 263 a, imm. 2-mi piumasaqaat, akiligassalinnut tamanut tunngatillugu aamma naammassineqarsimassaaq.

Akiligassalinnut tamanut tunngatillugu, § 263, imm. 1-imi, aamma §§ 263 a-miit § 263 b ilanngullugu piumasaqaatit akiliisitsiniarnermut eqqartuussivik ikiorsiullugu akiligassanik akiliisitsiniarnerup

naammassinngippagu, § 263 c malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq tamarmiusoq itigartinneqassaaq. § 263 c, imm.1-imi oqaaseqatigiit aappaattut siunnersuut malillugu, akiligassalik ataaseq arlallilluunniit pineqartillugit, akiligassaqaarfiup piumasagaataa suliap saqqummiunneqarnerani tunngavissaqartinneqanngippata, tamanna aamma atuuppoq. Akiligassallit ilaat pillugit, taamaallaat § 263 c-tut siunnersuutigineqartoq malillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq itigartitsissutigineqarsinnaanngilaq. Kisianni § 263 c, imm. 2-tut siunnersuutigineqartoq malillugu amigaatigineqartut iluarsineqarnissaannut eqqartuussiviup akiligassaqaarfik piffissalersinnaavaa, aamma iluarsiniaaneq tassaasinnaavoq, akiligassaqaarfiup akiligassallit ilaasa akiliisitsiniarnermut eqqartuussivik ikiorsiullugu akiligassanik akiliisitsiniarnermi peersinera.

Taaneqareersutut §§ 263 d-miit 263 g ilanngullugu malittarisassatut siunnersuutigineqartut akiligassalinnut tamanut immikkut atorneqassapput. Taamaalilluni eqqartuussisarnermik inatsimmi § 603, imm. 1, imaluunniit akiliisinaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tiguisinnaannginneq pissutigalugu, aamma taamaattoqassappat akiligassaqaarfiup nalunaarutiginninnissap mininneqarnissaa noqqaassutigisimappagu, § 263 d, imm. 1 malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninneq mininneqassanersoq, akiligassalinnut tamanut immikkut aalajangiiffigineqassaaq.

§ 263 e-tut siunnersuutigineqartoq malillugu piumasagaammut akerliliinissamut piffissaliusaaq, akiligassalinnut tamanut immikkut akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarneranit akiligassalinnut pineqartumut naatsorsorneqassaaq. § 263 f, imm. 1-imi oqaaseqatigiittut siullertut siunnersuutigineqartut malillugit, piffissaq eqqorlugu akerliusoqarsimannginnera pillugu oqaaseqaat, akiligassalinnut piffissaliunneqartup iluani akerliliisimanngitsunut, akiligassalinnut pineqartunut immikkut tunniunneqassaaq, aamma taamaattoqassappat akiligassallip pigisaanik tigusineq, § 263 f, imm. 1-imi oqaaseqatigiit aappaattut siunnersuutigineqartoq malillugu, akiligassalinnut taakkununga tunngatillugu aallartinneqassaaq.

Qaqugukkut akiliisitsiniarnermut eqqartuussivik ikiorsiullugu akiligassanik akiliisitsiniarneq, akiligassallip pineqartup piffissaq eqqorlugu akerliliissummik saqqummiussiffigisaa pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq qaqugukkut oqaaseqaatitalerneqarsimanera pillugu, § 263 f, imm. 3-tut siunnersuutigineqartoq malillugu suliareqqitassanngortitsinermut piffissaliusaaq, aamma akiligassalinnut tamanut immikkut naatsorsorneqassaaq, aamma taamaattoqassappat akiligassalinnut tamanna pillugu noqqaassuteqarsimasunut taamaallaat suliaq suliareqqitassanngortinneqassaaq. Taamatuttaaq akiligassalinnut tamanut immikkut, piffissaq eqqorlugu akerliliissuteqartunut, imaluunniit suliassaataannut suliareqqitassanngortinneqartunut, § 477 g-tut siunnersuutigineqartoq malillugu suliaq siumut ingerlanneqassaaq.

Akiligassallip akerliliinini saqqummiutinngippagu nutaamik noqqaassuteqarani akiligassallip pigisaanik tigusineq aallartinneqassasoq, akiligassaqarfiup noqqaassutigisimappagu, aamma akiligassalik akerliliisimatillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu suliassap eqqartuussivimmi aallartinneqarnissaa noqqaassutigisimappagu, akiligassalimmut ataatsimut arlalinnulluunniit tunngatillugu, eqqartuussivimmi suliamik sularinninnerup aallartinneqarnerata peqatigisaanik akiligassallip pigisaanik tigusineq aallartinneqassasoq, akiligassalimmut ataatsimut arlalinnulluunniit tunngatillugu pisinnaasoq, taaneqartut malitsigaat.

§ 263 a-mut

Akiliisitsiniarnermut eqqartuussivik ikiorsiullugu akiligassanik akiliisitsiniarnikkut suliassap aallartinneranut aamma taamaaliornissamut piunasaqaatinut § 263 a-tut siunnersuutigineqartoq tunngassuteqarpoq.

Akiliisitsiniarneq akiliisitsiniarnermut eqqartuussivik ikiorsiullugu akiligassanik akiliisitsiniarnermik Nunatsinni Eqqartuussivimmut tunniussinikkut aallartinneqassasoq § 263 a, imm. 1-imi siunnersuutigineqarpoq.

Eqqartuussivimmut akiliisitsiniarnermut eqqartuussivik ikiorsiullugu akiligassanik akiliisitsiniarnermik tunniussineq eqqartuussisutigoortitsinikkut alloriarneruvoq, taassumalu inatsimmi 1908-

meersumi § 2-mi oqaaseqatigiit aappaat malillugu pisoqalisootitsineq unitsittarpaa.

Eqqartuussisarnermik inatsimmi kapitali 17-imi malittarisassat nalinginnaasut malillugit, eqqartuussiviup piumasaqaatinik tamarnik suliarinniffiusinnaasup Kalaallit Nunaanniinnissaa piumasaqaataavoq.

§ 263 b, imm. 2, nr. 2 malillugu akiligassaqaarfiup akiligassallip pigisaanik tigusineq nutaamik noqqaassuteqarnani aallartinneqassasoq noqqaassutigippagu, § 601, imm. 1 aamma imm. 2-mi oqaaseqatigiit siulliit malillugit eqqartuussiviup piumasaqaatinik tamanik suliarinnissinnaasup Kalaallit Nunaanniinnissaa piumasaqaataassasoq, § 263 a, imm. 2-mi siunnersuutigineqarpoq.

Pisuni akiligassaqaarfiup pinngitsaaliinikkut naammassinninnissamut tunngavissap pilersinneqarnissaa taamaallaat noqqaassutigippagu, inuit sakkutuujunngitsut pillugit eqqartuussivimmi suliat pillugit eqqartuussisarnermik inatsimmi kapitali 17 taamaallaat atuutissasoq, tamatuma kinguneraa.

Pisuni akiligassaqaarfiup nutaamik noqqaassuteqarani akiligassallip pigisaanik tigusinissaq kissaatigippagu, kisianni aammattaaq eqqartuussisarnermik inatsimmi § 601, imm. 1 aamma imm. 2-mi oqaaseqatigiit siulliit malillugit eqqartuussivik piumasaqaatinik tamanik suliarinnissinnaasoq Kalaallit Nunaanniissaaq, taannalu akiligassallip pigisaanik tiguisoqartillugu eqqartuussivik piumasaqaatinik tamanik suliarinniffiusinnaasoq pillugu malittarisassanik nalinginnaasunik imaqarpoq. Kapitali 17 aamma § 601, imm. 1 aamma imm. 2-mi oqaaseqatigiit siulliit malillugit eqqartuussivik piumasaqaatinik tamanik suliarinniffiusinnaasoq Kalaallit Nunaanniippat, akiliisitsiniarnermut eqqartuussivik ikiorsiullugu akiligassanik akiliisitsiniarneq taamaalilluni pisuni taakkunani taamaallaat Nunatsinni Eqqartuussivimmut tunniunneqarsinnaavoq.

Matumuuna § 263 c-tut siunnersuutigineqartoq malillugu suliamut eqqartuussivimmik piumasaqaatinik tamanik suliarinniffiusinnaasumik Kalaallit Nunaanni peqarnersoq Nunatsinni Eqqartuussiviup nammineq suliniuteqarnermigut nakkutigissavaa. Kalaallit Nunaanni eqqartuussivimmik piumasaqaatinik tamanik suliarinniffiusinnaasumik

peqanngippat, taamatuttaa \S 263 c-tut siunnersuutigineqartoq malillugu suliaq itigartinneqassaaq.

Aalajangersakkat taakku eqqortinneqarnerisa, taamaaliortoqanngippat akiligassarineqartut pisassarisat akilinngitsoorneqarnissaannik ilimanartorujussuarmik aarlerinaammik kinguneqassanngippata, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmu t tunniunneqannginnerani, akiligassanik akileeqqusissutip, immi. 4-imi aamma 5-imi piumasaqaatinik naammassinnittup akiligassalimmut nassiunneqarsimanissaa, aamma piffissaliussap imm. 5-imi taaneqartup naasimanissaa, \S 263 a, imm. 3-mi siunnersuutigineqarpoq.

Akiligassanik akileeqqusissummi paasissutissat tamarmiusut, pisassarisap akiligassalimmit nalilersorneqarnissaanut pisariaqartinneqartut, erseqqissumik taaneqassasut, \S 263 a, imm. 4-mi sinnersuutigineqarpoq.

Piffissap sorliup iluani, akiligassalimmut aningaasartuutini k akiligassat annertusineqarnissaannut iliuseqarfiusussaangitsup, akiligassallip pissarisamik naammassillugu akiliiffigisinnaasaa, akiligassanik akileeqqusissummi taaneqassasoq, \S 263 a, imm. 5-imi siunnersuutigineqarpoq. Akiligassanik akileeqqusissutip nassiunneqarneranit, ullunik minnerpaamik 14-inik piffissaliussaq sivilissuseqassaaq.

Akiligassalimmut akiligassanik akileeqqusissummik, ilaatigut akiligassallip akiliinissamik piumasaqaatit saqqummiunneqartut suussusersinissaannut, ilaatigullu inatsisinut naapertuunnersoq pillugu nalilersuinissaanut, matumani piumasaqaatip naatsorsorneqarnera ilanngullugu, nassiussisoqareersimappat, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmu t nassiunneqarsinnaassasoq, \S 263 a, imm. 3-miit 5 ilanngullugu siunnersuutigineqartut kinguneraat.

Akiligassaqarfiup akiligassallillu atii najugaallu tamatigut taaneqassapput. Aammattaaq pissutsit, piumasaqaamm u t tapersiissutaasut, matumani taamaattoqarpat isumaqatigiissutip qanoq ililluni naammassinngitsoorneqarsimanera ilanngullugu, pillugit akiligassanik akileeqqusissut paasissutissanik eqqortunik imaqassaaq.

Tamatuma saniatigut piunasaqaat taarsigassarsiat atsiorneqarnerminni angissusaannut ernianullu erseqqissaavigineqassaaq. Akiligassaqarfimmut tassunga piunasaqaat akiligassanik assigiinnigitsunik arlalinnik imaqarpat, pissutsit tamarmik immikkut suliarineqassapput. Aammattaaq erniat naatsorsorneqarnerannut tunngavigisaq taaneqassaaq. Taamaalilluni erniarititat atorneqartut paasissutissiissutigineqassapput, aamma ullormit sorlermit erniat naatsorsorneqarnerisut, ilaatigut taamaalilluni ernianik pisoqalisoorunik akileeqqusisoqannginnissaa akiligassallip nakkutigisinnaaniassammagu. Taaneqartut akiliinngitsoornermi pillaatitut erniarititanut aamma akiligassarsinermi erniarititanut atuupput. Erniat ilanngussat pineqartillugit, erniat aningaasartaasa amerlassusaat, akiligassallip akiligassai, paasissutissiissutigineqassapput. Taamaattoqassappat siunissami erniat pillugit paasissutissat, erniarititat taanerisigut pisinnaavoq.

Akiligassanik akiliisitsiniarnermi aningaasartuutit eqqarsaatigalugit, sapinngisamik akiligassallip aningaasartuutit akilersinnaasai pillugit aningaasat amerlassusaat paasissutissiissutigineqassapput, matumani aningaasartuutit aningaasartuutaareersimasut pillugit.

Akiligassallip suli allanik aningaasartuutininik ilanngussinissamik iliuuseqarfigineqarani, pisassarisat naammassillugit akiligassallip akiliinissaanut, akiligassanik akileeqqusissummi aammattaaq minnerpaamik ullunik 14-inik piffissaliussaq taaneqassaaq. Piffissaliussaq ullunik 14-inik sivisussuseqartoq, akiligassanik akileeqqusissummi taaneqartoq, naappat, piffissallu naanerani akiligassalik akiliisimangippat, akiliisitsiniarnermut eqqartuussivik ikiorsiullugu akiligassanik akileeqqusissut taamaalilluni aatsaat eqqartuussivimmut tunniunneqarsinnaavoq. Ullut naallugit taamaallaat naatsorsuutigineqarput, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq taamaalilluni piffissaliussap ullunik 14-inik sivisussuseqartup naanera kingorna aqaguani siusinnerpaamik eqqartuussivimmut tunniunneqarsinnaavoq.

Taamaattoq pissarisat akiliisitsiniutigineqarsinnaajunnaarnissaat ilimanartorujussuarmik aarlerinaateqarpat, akiliisitsiniarnermut eqqartuussivik ikiorsiullugu akiligassanik akiliisitsiniarneq piffissaliussap ullunik 14-inik sivisussuseqartup naanissaa utaqeqqaarnagu tunniunneqarsinnaavoq. Ingammik pisuni, piunasaqaatip pisoqalisoorinissaa pinngitsoortinniarlugu, piffissaliussap naannginnerani

eqqartuussisutigoortumik alloriarnissamik suliaqarnissaq pisariaqarpat, tamanna pisinnaavoq.

§ 263 a, imm. 3-miit 5 ilanngullugu piumasaqaatit naammassineqarsimaneri Nunatsinni Eqqartuussiviup nammineq suliniuteqarnermigut nakkutigissavaa, aamma § 263 c-tut siunnersuutigineqartoq malillugu naammassineqarsimanngippata suliaq itigartissallugu. Akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmit erseqqinnerusumik suliarinninneq pissaaq, taamaalilluni akiligassalimmut akiligassanik akileeqqusissummik nassiussinerup naammassineqarsimanerata paasinissaanut pisariaqartunik paasissutissanik imaqaassalluni. Taamaattoq § 263 c, imm. 2-mi malittarisassatut siunnersuutigineqartoq malillugu, akiliisitsiniarnermut eqqartuussivik ikiorsiullugu akiliisitsiniarneq amigaateqarpat, amigaataasut ikiorserneqarnissaanut akiligassaqarfik piffissalersinnaassavaa.

Kisianni eqqartuussiviup akiligassanik akileeqqusissutip imaanik nakkutiginnissinnaanngorlugu, sioqqutsisumik akiligassalimmut akiligassanik akileeqqusissut akiligassaqarfiup akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassaqarfiup ima peqqissartigisumik allaaserinninnissaa piumasaqaataanngilaq. Ullormi erseqqinnerusumik taaneqartumi akiligassalimmut akiligassanik akileeqqusissummi aningaasat ima amerlatigisut, akiliisitsiniarnermi eqqartuussivik ikiorsiullugu akiligassanik akiliisitsiniarnermi taaneqartut, akileeqquneqarnerisa nassiunneqarsimanera, akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassaqarfiup taappagit naammassaaq. Akiliisitsiniarnermut eqqartuussivik ikiorsiullugu akiligassanik akiliisitsiniarnermi piumasaqaatit arlallit ataatsimoortinneqarsimappata, piumasaqaatini ilaatinneqartut tamarmik immikkut ullulersorneqarnissaat amma aningaasat amerlassusaat akiligassaqarfimmit paasissutissiissutigineqarnissaat pisariaqarsinnaavoq.

§ 263 b-imut

Akiliisitsiniarnermut eqqartuussivik ikiorsiullugu akiligassanik akiliisitsiniarnerup imarisassaanut piumasaqaatinut § 263 b-tut siunnersuutigineqartoq tunngassuteqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermi paasissutissat tulliuuttut imaritinneqassasut, 1) akuusut atii najugaallu, matumani najugaq, tassunga akiligassaqaarfimmut nalunaarutit nassiunneqarsinnaallutik, 2) akiligassaqaarfiup piunasaqaataa aamma 3) akiligassaqaarfiup piunasaqaataanut tunngaviusut allaaserineqarnerat, § 263 b, imm. 1-imi siunnersuutigineqarpoq.

Eqqartuussisarnermik inatsimmi § 217, imm. 2 malillugu, eqqartuussivimmut saqqummiussisutitut piunasaqaatit ilaat, piunasaqaatit assigaat.

Kisianni akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassaqaarfiup piunasaqaataanut tunngaviusut naatsumik allaaserineqarnerannik imaqaarnera naammassaaq.

Uppernarsaatit attuumassuteqartut taaneqarnissaat piunasaqaataannigilaq, aamma piunasaqaammut uppernarsaammik ilanngussatut ilanngussisoqassannigilaq.

Imm. 1-imi piunasaqaatit naammassineqarsimanerat Nunatsinni Eqqartuussiviup nammineq suliniuteqarnermigut nakkutigissavaa, aamma § 263 c-tut siunnersuutigineqartoq malillugu taamaanngippat, suliaq itigartissallugu. Taamaattoq § 263 c, imm. 2-mi malittarisassatut siunnersuutigineqartoq malillugu, akiliisitsiniarnermut eqqartuussivik ikiorsiullugu akiliisitsiniarneq amigaateqarpat, amigaataasut ikiorserneqarnissaanut akiligassaqaarfik piffissalersinnaassavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq aammattaaq paasissutissat tulliuuttut pillugit imaqaassasoq, 1) § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31, 171 imaluunniit § 207, imm. 1 malillugit akiligassallip pigisaanik tiguisoqarsinnaanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassalimmut nalunaarutiginnittoqarnissaa akiligassaqaarfiup kissaatigineraa, 2) akiligassalik akerliliissanngippat, akiligassallip pigisaanik tiguisinissaq akiligassaqaarfimmit nutaamik noqqaassuteqaqqaarnani aallartinneqassanersoq, akiligassaqaarfiup kissaatigineraa, aamma 3) akiligassalik akerliliippat, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmi

suliassamik suliarinninneq aallartinneqarnissaa, akiligassa qarfiup kissaatigineqarneraa, § 263 b, imm. 2-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup suliarineqarnissaanut akiligassa qarfiup qinigassatut periarfissai § 263 b, imm. 2-mi taagorneqarput.

Eqqartuussisarnermik inatsimmi eqqissisimatitsinissaq pillugu malittarisassap § 603, imm. 1-p malitsigisaanik, imaluunniit akilersuineramik unitsitsineq, akiliisinnaajunnaarneq, pinngitsaaliinikkut qanoq akiliinissamik isumaqatigiissusiornissap ammarneqarnera aamma akiitsunik isumakkeerinninnissamik suliap aallartinneqarnissaa pillugu nalunaarutigineqarsimasut pillugit, akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusisoqarnissaa periarfissaanngippat, suliap naammassineqarnissaa aamma akiliisitsiniarnermut eqqartuussivik ikiorsiullugu akiligassanik akiliisitsiniarneq utertillugu nassiuqqassasoq, akiligassa qarfiup siullertut noqqaassutigisinnaassavaa.

Taamaattoqassappat eqqartuussisarnermik inatsimmi § 708, imm. 2-tut siunnersuutigineqartoq, inatsisissatut siunnersuummi § 1, nr. 8-tut oqaasertalerneqartoq, malillugu akitsuut eqqartuussiviit naalagaaffik sinnerlugu akileqqutittagaat utertinneqassaaq.

Akiligassalik akerliliissutinik saqqummiussinngippat, akiligassa qarfik aappaattut marlunnik qinigassa qassaaq. Akiliisitsiniarnermut eqqartuussivik ikiorsiullugu akiligassanik akiliisitsiniarnermut takussutissiap, akiligassallip piffissaq eqqorlugu akerliliissutinik saqqummiussisimannginneranik eqqartuussivimmit oqaasertalerneqartoq, akiligassa qarfiup toqqaannarsinnaavaa. Akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitalik § 263, f, imm. 2-tut siunnersuutigineqartoq malillugu suliamut unioqqutinneqartussaannngitsumik aalajangiinertut isigineqassaaq, aamma kingusinnerusukkut eqqartuussisarnermik inatsimmi § 598, imm. 1, nr. 1, inatsisissatut siunnersuummi § 1, nr. 2-mi oqaasertalerneqartoq, malillugu pinngitsaaliinikkut naammassinninniaarnermut atorneqarsinnaassalluni.

Allatut qinigassatut akiligassa qarfiup tamanna pillugu noqqaassuteqaqqaarani akiligassallip pigisaanik tigusinissap suliarineqarnissaa toqqarsinnaavaa. Akiligassalik akerliliissutinik

saqqummiussingippat, akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarnera, taamaattoqarpat akiligassalimmut akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnissamik noqqaassuteqarnertut aamma tamatuma kingorna pinngitsaaliinikkut naammassinninniaanissamut noqqaassuteqarnertut atorneqarsinnaavoq.

Naggataagut akiligassalik akerliliissutinik saqqummiussippat, akiligassaqaqfigik assigisaanik marlunnik toqqaanissaminut periarfissaqarpoq: akiliisitsiniarnermut eqqartuussivik ikiorsiullugu akiligassanik akiliisitsiniarneq utertissinnaavaa imaluunniit suliap inuit sakkutuujunngitsut pillugit suliassatut eqqartuussivimmi ingerlateqqissinnaavaa, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmut sassaqqusissummut taarsiutaassalluni.

Suliap sularineqarnissaa eqqarsaatigalugu, akiligassaqaqfiup immikkoortut taakku pingasut pillugit toqqaanini akiliisitsiniarnermut eqqartuussivik ikiorsiullugu akiligassanik akiliisitsiniarnermi taassavai. Tamanna imm. 3 pillugu ataani allaaserisat malillugit, ajornaatsumik immersugassami tamanut atugassiami nalunaaqutsiinikkut pisinnaassaaq.

§ 263 c-tut siunnersuutigineqartoq malillugu, akiligassaqaqfiup toqqaanini nalunaarutigisimangippagu, suliaq taamaammat itigartinneqassaaq. Taamaattoq § 263 c, imm. 2-mi malittarisassatut siunnersuutigineqartoq malillugu, akiligassaqaqfik amigaatit iluarsineqarnissaannut piffissalernerneqarnissaa nalinginnaasumik pissusissamisuuksaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu Domstolsstyrelse malittarisassanik erseqqinnerusunik aalajangersaasinnaasoq, matumani immersugassat immikkut ittut atorneqarneqarnissaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup assilillugu sanaqqinneqarnerata tunniunneqarnissaa ilanngullugit, § 263 b, imm. 3-mi siunnersuutigineqarpoq.

Danmarki pineqartillugu Domstolstyrelse-p nalunaarutaa nr. 352, 7. april 2015-imeersoq innersuussutigineqarpoq.

Kalaallit Nunaanni immersugassap assigisaa aamma kalaallisut ilusilersorneqarsinnaammat, maluginiarneqassaaq, oqaatsitigut marloqiusatut kalaallisut/qallunaatut immersugassaq iluseqarsinnaavoq imaluunniit immersugassaq kalaallisuunngortillugu qallunaatuunngortillugulu ilusilerneqarsinnaavoq.

Nunatsinni Eqqartuussivik immersugassanik immersorneqarnissaat pillugu ilitersuissasoq § 263 b, *imm. 4-mi* siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu immersugassap qanoq immersorneqarnissaa eqqarsaatigalugu, akiligassaqarfik Nunatsinni Eqqartuussivimmit ilitersorneqarsinnaanera, tamatuma kinguneraa.

§ 263 c-mut

Akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmit aallarnersaataasumik nakkutiginninnera pillugu malittarisassanik § 263 c-tut siunnersuutigineqartoq imaqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq §§ 263-imiit 263 b ilanngullugu piumasaqaatinik naammassinninngippat, aalajangiinikkut suliaq itigartinneqassasoq, itigartitsinerlu akiligassaqarfimmut nalunaarutigineqassasoq, § 263 c, *imm. 1-imi* siunnersuutigineqarpoq. Suliap saqqummiunneqarnerani akiligassaqarfiup piumasaqaatai tunngavilersorneqanngitsutut isigineqarpata, tamanna aamma atuuppoq. Akiligassaqarfiup noqqaassuteqarneratigut aalajangiineq tunngavilersorneqassaaq.

Aallaaviatigut akiligassallip akerliliinnginnissaa naatsorsuutigineqarpoq, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit nalunaarutigineqartoq, taamaammat siunnersuummi § 263 f malillugu akerliliissutinik saqqummiussinissamut piffissaliussap naanerani, pisarnertut automatiskiusumik suliamut unioqquatinneqartussaannngitsumik aalajangiinertut isigineqassalluni.

Akiligassallip inatsisitigut isumannaatsuunissaa eqqarsaatigalugu, taamaammat § 263 c, *imm. 1-imi* oqaaseqatigiittut siullertut siunnersuutigineqartoq malillugu, suliap § 263-itut siunnersuutigineqartumi

ilaanissaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup §§ 263 a-mi aamma 263 b-mi piumasaqaatinik naammassinissimanissaa, eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarnermik nalunaarutiginninnissaanut piumasaqaataavoq. Imm. 2-tut siunnersuutigineqartoq pillugu ataani allaaserisat malillugit, akiligassaqarfik amigaateqartoqarpat amigaatit iluarsinissaannut eqqartuussiviup piffissalersinnaavaa, kisianni amigaatit taamaattut iluarsineqanngippata, suliaq itigartinneqassaaq.

Eqqartuussivimmut sassaquusissutitut akiligassanik akileeqqusissut amigaatilik nalunaarutiginnissutigineqarsinnaanngilaq, taannali taamaattoq suliap suliarineqarnissaanut tunngaviliisinnaavoq. Suliassanngortitaq akinngippat, eqqartuussivimmut sassaquusinermi najuutinngitsoornermi eqqartuussummik eqqartuussisoqarsinnaanersoq pillugu isummertoqarsimannginneranik, tamanna ilaatigut pissuteqarpoq. Taassuma akerlianik akiligassalik akerliliinngippat, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa pillugu aalajangiineq, piumasaqaatip suliamut unioqqutinneqartussaannngitsumik aalajangiinertut isigineqarnera aamma pinngitsaaliinikkut naammassineqarsinnaanera inaarutaasumik akerlilerpaa.

Taamaammat § 263 c, imm. 1-imi oqaaseqatigiit aappaattut siunnersuutigineqartoq malillugu, akiligassaqarfiup piumasaqaataa, suliap saqqummiunneqarnerani tunngavissaqanngitsutut isigineqarpat, akiliisitsiniarnermut eqqartuussivik ikiorsiullugu akiligassanik akiliisitsiniarneq itigartitsissutigineqassaaq. Tassunga tunngatillugu akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussiviup nakkutiginninnerata eqqartuussivimmut sassaquusissutit, malittarisassat sulisaatsillu atuuttut malillugit eqqartuussisarnermik inatsimmi § 221 malillugu najuutinngitsoornermi eqqartuussutit eqqartuussissutigineqarneranni suliarineqartartut, assigissagai naatsorsuutigineqarpoq.

Pisuni suliap saqqummiunneqarnerani akiligassaqarfiup piumasaqaatai tunngavissaqanngitsutut isigineqarpa, eqqartuussiviup qisuariaataa aamma itigartitsinerussaaq (imaluunniit § 263 c, imm. 2-tut siunnersuutigineqartoq malillugu amigaataasut iluarsineqarnissaanut piffissaliissalluni).

Akiligassallip tamakkiisumik ilaannakoortumilluunniit
»pinngitsuutinneqarnera« uani pineqarsinnaanngilaq.

Erniat aamma eqqartuussivikkoortinnagit akiligassanik akiliisitsiniarnermi aningaasartuutit eqqarsaatigalugit tamanna aamma atuuppoq. Suliap saqqummiunneqarnerani tunngavissalittut isigineqanngitsunik, akiliisitsiniarnermut eqqartuussivik ikiorsiullugu akiligassanik akiliisitsiniarneq erniat eqqartuussivikkoortinnagillu akiligassanik akiliisitsiniarnermi aningaasartuutit akilerneqarnissaanik imaqarpat, eqqartuussiviup suliaq itigartitsissutigisinnaavaa imaluunniit akiligassaqarfik akiliisitsiniarnermut eqqartuussivik ikiorsiullugu akiligassanik akiliisitsiniarneq iluarseqqusinnaavaa (amigaatigineqartut iluarseqqusinnaavai). Erniat imaluunniit eqqartuussivikkoortinnagit akiliisitsiniarnermut aningaasartuutit, eqqartuussiviup periarfissaliissuteqanngitsutut isigisai, pillugit akiligassaqarfik piunasaqaamminik taamaatitsiumanngippat, noqqaassuteqarnikkut tunngavilersorneqartussamik eqqartuussiviup suliaq aalajangiinikkut itigartitsissutigisavaa, aamma eqqartuussisarnermik inatsimmi kapitali 43 malillugu itigartitsineq pillugu aalajangiineq akiligassaqarfiup aalajangeqqitassanngortissinnaassavaa.

Kisianni ataani imm. 3-tut siunnersuutigineqartoq malillugu akiliisitsiniarnermut eqqartuussivik ikiorsiullugu akiligassanik akiliisitsiniarnermut namminermut suliamut aningaasartuutiviit, eqqartuussivimmit aalajangerneqassapput.

Imm. 1-imi amigaatigineqartutut taaneqartut iluarsineqarnissaannut eqqartuussiviup akiligassaqarfik piffissalersinnaagaa, § 263 c, imm. 2-mi siunnersuutigineqarpoq.

Amigaatigineqartut iluarsineqarnissaannut eqqartuussivik piffissaliussissanersoq imaluunniit suliaq erngerluni itigartissanerlugu, eqqartuussiviup nalilissavaa. Akiliisitsiniartarnermut eqqartuussivik ikiorsiullugu akiligassanik akiliisitsiniarneq akuusumit ilisimasaliunngitsumit tunniunneqarpat, imaluunniit amigaatip inatsisitigut apeqqut maannamut erseqqissisinneqarsimanngitsoq pissutigalugu eqqartuussivik akiligassaqarfimmit allaanerusumik isumasiorneqarpat, nalinginnaasumik iluarsisitsiniaanissaq pissutissaqarnerussaaq. Illuatungaani akiliisitsiniartarnermut eqqartuussivik ikiorsiullugu

akiligassanik akiliisitsiniarneq akuusumit ilisimasalimmit tunniunneqarpat aamma amigaatit peqqissaarussinnginnermik takutitsippata, nalinginnaasumik iluarsisitsiniaanissaq pissutissaqannginnerussaaq.

Akiligassaqarfik suliamik itigartitsinerup kingorna nutaamik akiliisitsiniarnermut eqqartuussivik ikiorsiullugu akiligassanik akiliisitsiniarnermik tunniussippat, tassani amigaatigineqartut iluarsineqarsimallutik, akiliisitsiniarnermut eqqartuussivik ikiorsiullugu akiligassanik akiliisitsiniarnermut nutaamik akitsuummik, eqqartuussiviit naalagaaffik sinnerlugu akileqqutittagaannik, akiliisoqassaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermi amigaatigineqartut iluarsineqarnissaannut eqqartuussiviup akiligassalik piffissalerpagu, amigaatigineqartut akiligassaqarfimmit iluarsineqareerpata, kisianni akitsuummik, eqqartuussiviit naalagaaffik sinnerlugu alileqqutittagaannik nutaamik akiliinani, akiliisitsiniarnermut eqqartuussivik ikiorsiullugu akiligassanik akiliisitsiniarneq iluarsisaq akiligassaqarfiup suliaritissinnaassavaa.

Suliamut aningaasartuutit pillugit eqqartuussivik aalajangiissasoq aamma akiliisitsiniarnermut eqqartuussivik ikiorsiullugu akiligassanik akiliisitsiniarneq tamanna pillugu oqaaseqaatitalissagaa, § 263 c, *imm. 3-mi* siunnersuutigineqarpoq.

Suliami aningaasartuutini akitsuut, eqqartuussiviit naalagaaffik sinnerlugu akileqqutittagaat kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq ilisimasalittut sinniisumit eqqartuussivimmut tunniunneqarsimappat, akiligassaqarfimmut ilisimasalittut sinniisuusumut aningaasartuutit ilaatinneqassapput. Tassunga atatillugu akiligassanik akiliisitsiniarnermi suliani eqqartuussissuserisut akissarsiaasa matussuserneqarnissaannut suliamut aningaasartuutit uuttortarneqarnissaannut ilitsersuutaasumik akigititat, Østre og Vestre Landsret-imi præsidentinit suliarineqartut, aamma akiliisitsiniarnermut eqqartuussivik ikiorsiullugu akiligassanik akiliisitsiniarnermut atatillugu atorneqassapput.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup aallarnersaataasumik nakkutigineqarneranut atatillugu, eqqartuussiviup suliamut aningaasartuutit aalajangersartussaassavai. Aningaasat amerlassusaat akiliisitsiniarnermut eqqartuussivik ikiorsiullugu

akiligassanik akiliisitsiniarnermut ilanngunneqassapput, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarnerup akiligassalimmuut nalunaarutigineqarnerani, akiligassalik akerlilinngippat, aningaasat amerlassusaannik ataatsimoortunik, akilerneqartussanik, ilisimatinneqassalluni.

Suliamut aningaasartuutit pillugit eqqartuussiviup aalajangiinera akiliisitsiniarnermut eqqartuussivik ikiorsiullugu akiligassanik akiliisitsiniarnerup suliarineqartarpoq. Piffissaq eqqorlugu akiligassalik akerliussuteqarpat, suliamut aningaasartuutit pillugit aalajangiineq taamaalilluni sunniuteqassanngilaq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaannik aalajangerneq, najuutinngitsoornermi eqqartuussutit eqqartuussutigineqartarnerisa assigisaannik piunasaqaatit suliallu saqqummiunneqarneranut piunasaqaatit assigisaasa piunasaqaatigineqarnerat kinguneraa. Taamaammatt aalajangiineq inatsisilerituumit aalajangerneqassaaq. Nunatsinni Eqqartuussiviup sulianik ima aaqquussinissaa, eqqartuussiviup allaffimmi sulisuisa aallarnisaataasumik suliamik suliarinnissinnaanerannut aamma tamanna tunngavigalugu akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqassanersoq inatsisilerituumut innersuussinissinnaanerannut tamanna akornusiinngilaq.

§ 263 d-mut

§ 263 d-tut siunnersuutigineqartoq akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa pillugu malittarisassanik imaqarpoq.

§ 603, imm. 1, imaluunniit akiliisinnajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusineq periarfissaanngippat, imaluunniit akiliisinnajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissaaq periarfissaanngippat, aamma § 263 b, imm. 2, nr. 1 malillugu taamaattoqassappat nalunaarutiginninnerup mininneqarnissaa akiligassaqarfiup noqqaassutigisimannngippagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup, imm. 2-mi

ilitsersuummi ilanngunneqartoq, akiligassalimmut nalunaarutiginnissutigineqarnissaa, eqqartuussiviup isumagissagaa, § 263 d, imm. 1-imi siunnersuutigineqarpoq.

(1) § 263 c-tut siunnersuutigineqartoq malillugu suliaq itigartitsissutigineqarpat, imaluunniit (2) eqqartuussisarnermik inatsimmi eqqissisimatitsinissaq pillugu malittarisassap § 603, imm. 1-p, imaluunniit akilersuineramik unitsitsineq, akiliisinnaajunnaarneq, pinngitsaaliinikkut qanoq akiliinissamik isumaqatigiissusiornissap ammarneqarnera aamma akiitsunik isumakkeerinninnissamik suliap aallartinneqarnissaa pillugu nalunaarutigineqarsimasut pillugit, akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissaq periarfissaanngippat, aamma pisumi tassani nalunaarutiginninnerup mininneqarnissaa akiligassa qarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa eqqartuussiviup isumagissavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussutip inatsisitigut malitseqartinneqarnera pillugu, aamma akiligassallip nammineq soqutigisami isumaginissaannut qanoq iliuseqartariaqarnera pillugit, akiligassalimmut ilitsersuummik Domstolsstyrelse suliaqarnissaa, § 263 d, imm. 2-mi siunnersuutigineqarpoq.

Danmarki pineqartillugu Domstolsstyrelse-p nalunaarutaa nr. 352, 7. april 2015-imeersoq innersuussutigineqarpoq.

Kalaallit Nunaanni ilitsersuutip assigisaa aamma kalaallisut ilusilersorneqarsinnaassammat, oqaatsit marluiit kalaallisut/qallunaatut ilitsersuut atorlugit ilusilerlugu imaluunniit ilitsersuut kalaallisut oqaasertalittut qallunaatullu oqaasertalittut ilusilik atorlugit, maluginiarneqassaaq.

Akiligassa qarfik tamanna pillugu noqqaassuteqarsimappat – nalunaarutiginninnerup mininneqarnissaa pillugu immikkut ittumik malittarisassaq eqqaassaanngikkaanni, eqqartuussisarnermik inatsimmi eqqissisimatitsinissaq pillugu malittarisassaq § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissaq

periarfissaanngippat, § 263 d-tut siunnersuutigineqartup eqqartuussivimmut sassaqqusissutinik nalunaarutiginninneq pillugu eqqartuussisarnermik inatsimmi § 219 assigaa.

Pisuni eqqartuussisarnermik inatsimmi § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 aamma akiligassaqaarfiup noqqaassutiginninnera malillugit nalunaarutiginninneq mininneqarpat, akiliisitsiniarnermut eqqartuussivik ikiorsiullugu akiligassanik akiliisitsiniarneq, aalajangersakkat taaneqartut akiligassallip pigisaanik tigusineranut akornutaanera pillugu paasissutissanik ilallugu, akiligassaqaarfimmut utertinneqassaaq. Aammattaaq eqqartuussisarnermik inatsimmi § 708, imm. 2, inatsisissatut siunnersuummi § 1, nr. 8-tut oqaasertaliorneqartoq, malillugu akitsuut, eqqartuussiviit naalagaaffik sinnerlugu akileqqutittagaat utertillugu akilerneqassaaq.

§ 263 e-mut

Piumasaqaammut akiligassallit akerriliinissamik periarfissaat pillugit malittarisassanik § 263 e-tut siunnersuutigineqartoq imaqarpoq.

Akiligassalik piumasaqaammut akerriliissuteqarpat, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnerata kingorna sapaatit akunneri 4 qaangiutsinnagit, akiligassallip allakkatigut tamanna pillugu eqqartuussivik nalunaarfigissagaa, siunnersuutigineqarpoq.

Akiligassallip allakkatigut aamma pisariaqartinneqartumik suliamut ilisarinneqqusissutinik pisariaqartinneqartunik Nunatsinni Eqqartuussivik naatsumik nalunaaruteqarfigigunik naammassaaq, tassani akiligassallip piumasaqaat akuerinngikkaa takuneqarsinnaassalluni. Oqaaseqaatit soorlu »piumasaqaammut akerriliussuteqarpunga« imaluunniit »piumasaqaat akuerinngilara« assersuutigalugu naammassapput, aamma nalunaarummi akerriliissutit suunersut ilisimatitsissutigisariaqanngillat.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarneraniit sapaatit akunnerini 4-ni pisuni tamani akiligassalimmut piffissaliussaavoq, aamma § 263 f, imm. 1-itut siunnersuutigineqartoq malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup

suli oqaaseqarfigisimanninneraa apeqqutaatinnagu, Nunatsinni Eqqartuussiviup akerliliissut, piffissaliussap naareernerani akerliliissut tunniunneqartoq soqutigissanngilaa. Taamaattoq § 263 f, imm. 1-itut siunnersuutigineqartoq malillugu oqaaseqaateqarneq pillugu akiligassalimmut nalunaarutiginninneranut atatillugu, eqqartuussiviup § 263 f, imm. 3-tut siunnersuutigineqartoq malillugu suliap aallarteqqinneqarnissaanik piumasaqaateqarsinnaanera pillugu eqqartuussiviup akiligassalik ilitsersuussinnaassavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit oqaaseqaatitalerneqarnerata kingorna, akiligassalimmit eqqartuussivik akerliliissummik tiguspapat, eqqartuussiviup aamma suliap aallarteqqinneqarnissaanik piumasaqaateqarsinnaanera pillugu eqqartuussiviup akiligassalik ilitsersuussinnaassavaa.

§ 263 f-imut

Akiligassalik piffissaq eqqorlugu akiliisitsiniarnermut eqqartuussivik ikiorsiullugu akiligassanik akiliisitsiniarnermut akerliliissutinik saqqummiussinngippat, inatsisitigut malitseqartitsinerit pillugit § 263 f-itut siunnersuutigineqartoq malittarisassanik imaqarpoq.

Piumasaqaammut piffissaq eqqorlugu akerliliissutinik saqqummiussisoqanngippat, eqqartuussiviup tamanna pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitalissagaa aamma akuusut nalunaaruteqarfigissagai, § 263 f, imm. 1-imi siunnersuutigineqarpoq. § 263 b, imm. 2, nr. 2 malillugu akiligassaqarfigisap nutaamik noqqaassuteqarnani akiligassallip pigisaanik tiguisoqarnissaanik suliaqartoqarnissaa noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup najukkami eqqartuussivimmut nassiutissavaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassinninnaanermut naligiissinneqassaaq. Nutaamik noqqaassuteqarnani akiligassallip pigisaanik tigusineq akiligassaqarfiup noqqaassutigisimannngippagu, eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu takussutissiaq akiligassaqarfimmut nassiutissavaa.

§ 263 c-tut siunnersuutigineqartumut oqaatigineqartutut, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqannginnerani, akiligassalik akerliliissuteqanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq suliamut unioqqutinneqartussaannngitsumik aalajangiinertut isigineqarsinnaanersoq aamma naammassinninniutigineqarsinnaanersoq eqqartuussiviup nakkutigissavaa. § 263 f, imm. 1-imi oqaaseqatigiittut siullertut siunnersuutigineqartoq malillugu eqqartuussiviup oqaaseqaataa taamaalilluni allaffissornerinnakkut sullissinerussaaq aamma eqqartuussiviup allaffimmi sulisuinit tunniunneqarsinnaassalluni.

Akiligassallip piffissaq eqqorlugu akerliliissutinik saqqummiussisimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup oqaaseqaatitalerpagu, akiligassaqarfigisap suna qinersimaneraa suliap ingerlanissaanut apeqputaalissaaq.

Tamanna pillugu noqqaassuteqaqqaarani akiligassallip pigisaanik tigusinermik suliaqartoqarnissaa akiligassaqarfiup noqqaassutigisimappagu, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq najukkami eqqartuussivimmuut nassiutissavaa, aamma pinngitsaaliinikkut naammassinninniaanermut naligiissinneqassaaq. Eqqartuussisarnermik inatsimmi § 601, imm. 1 aamma imm. 2-mi oqaaseqatigiit siulliit malillugit najukkami eqqartuussivimmuut, akiligassalimmuut naleqqiullugu najukkami piginnaatitaasumut, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq nassiuttussaassavaa, taassumalu allanngortinneqarnissaa siunnersuutigineqanngilaq. Tamatuma kingorna akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu, § 263 f, imm. 1-imi oqaaseqatigiit aappaattut siunnersuutigineqartoq malillugu pinngitsaaliinikkut naammassinninniaaneq najukkami eqqartuussiviup aallartissavaa.

§ 263 b, imm. 2-tut, aamma § 263 c-tut siunnersuutigineqartut malillugit, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqannginnerani, eqqartuussivimmuut piumasaqaatinik tamanik suliarinniffiusinnaasumut tunngaviit Nunatsinni Eqqartuussiviup nakkutigereersimassavai.

Taamaammat eqqartuussisarnermik inatsimmi § 601 malillugu nutaamik eqqartuussivimmit suliarinneqqinneq pisussaassanngilaq. Akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1-imi oqaaseqatigiit siulliit malillugit oqaaseqaatitalik, eqqartuussisarnermik inatsimmi § 598, imm. 1, nr. 1, inatsisissatut siunnersuummi § 1, nr. 2-tut oqaasertaliorneqartoq, tassaassaaq pinngitsaaliinikkut naammassinninniaanermut tunngaviusoq. Pinngitsaaliinikkut naammassinninniaaneq pillugu noqqaassummut eqqartuussisarnermik inatsimmi § 601, imm. 4-mi piumasaqaatit taamaammat aamma naammassineqarsimassapput. Ataatsimut isigalugu taamaammat piginnaasaqarnermik amigaateqarneq, pinngitsaaliinikkut naammassinninniaanissamut naammanngitsumik tunngavissaqarneq imaluunniit paasissutissat takussutissialluunniit amigaataanerat pissutigalugit eqqartuussisarnermik inatsimmi § 602 malillugu itigartitsineq pineqarnaviannngilaq.

Kisianni eqqartuussisarnermik inatsimmi § 603, imm. 1-imi eqqissisimatitsinissaq pillugu malittarisassaq atorneqassaaq. Naak Nunatsinni Eqqartuussivik akiligassaqarfiup noqqaassuteqarneratigut akiligassanik akiliisitsiniarneq pillugu nalunaarutiginninneq sioqqulluguli § 263 b, imm. 2, nr. 1-tut, aamma § 263 d, imm. 1-tut siunnersuutigineqartut malillugit malittarisassaq taanna malillugu eqqartuussivik suliarinneqqissimagaluartoq, eqqissisimatitsinissaq pillugu malittarisassaq aamma atorneqassaaq. Tassami eqqartuussummik naammassisitsiniaanermi allami akiligassalimmi akiligassat matussuserneqarnissaasa anguneqarsinnaannginnerat pisut akornanni paasineqareersimasinnaavoq.

Aammattaq eqqartuussisarnermik inatsimmi §§ 604-miit kingunerilu malittarisassat nalinginnaasut malillugit pinngitsaaliinikkut naammassisitsiniaaneq pissaaq. Siunnersuut malillugu naammassisitsiniaanermut piffissaliisoqannginnera maluginiarneqassaaq, imaappoq § 599, imm. 3-tut (inatsisissatut siunnersuummi § 1, nr. 3) siunnersuutigineqartoq malillugu pinngitsaaliinikkut naammassisitsiniaaneq erngerluni pisinnaassaaq.

Taaneqareersutut akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassisitsiniarnermut naligissinneqartussaavoq. Eqqartuussisarnermik inatsimmi § 614, imm. 3 malillugu, akiligassallip pigisaanik tigusinermut

pingaarnersiunerimi inissisimaneq, akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarneraniit naatsorsorneqarnissaa, tamatuma ilaatigut kinguneraa.

Akiligassaqaarfik tamanna pillugu nutaamik noqqaassuteqarani, akiligassallip pigisaanik tigusisoqarnissaa *noqqaassutigisimangippagu*, § 263 f, imm. 2-mi oqaaseqatigiit pingajuattut siunnersuutigineqartoq malillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu takussutissiaq (oqaaseqaatitaqartoq) akiligassaqaarfimmut eqqartuussiviup nassiutissavaaa.

Akiliisitsiniarnermut eqqartuussivik ikiorsiullugu akiligassamik akiliisitsiniarneq tungavigalugu pinngitsaaliinikkut naammassinninniaaneq pillugu akiligassaqaarfik kingusinnerusukkut noqqaassuteqarsinnaassaaq, kisianni ilaatigut eqqartuussisarnermik inatsimmi §§ 601-imiit 603 ilanngullugu malillugit nutaamik erseqqinnerusumik suliarinnittoqassaaq, aamma akitsuut, eqqartuussiviit naalagaaffik sinnerlugu akileqqutittagaat nutaaq aamma akilerneqartussaassaaq.

Akiligassanik akiliisitsiniartarfik ikiorsiullugu akiligassanik akiliisitsiniarneq imm. 1-imi oqaaseqatigiit siulliit malillugit oqaaseqaatitalerneqarsimatillugu, eqqartuussutitut unioqqutinneqartussaannngitsumik sunniuteqarnissaa, § 263 f, imm. 2-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq, § 263 f, imm. 1-imi oqaaseqatigiittut siullertut siunnersuutigineqartoq malillugu oqaaseqaatitalerneqarsimasoq, eqqartuussissutitut unioqqutinneqartussaannngitsumik sunniuteqarnissaa (suliamut unioqqutinneqartussaannngitsumik aalajangiinertut isiginneqarnera), tamatuma kinguneraa. Taamaalilluni kingusinnerusukkut piumasaqaat taanna pillugu eqqartuussivimmi suliasannngortitsinissaaq, akiliisitsiniarnermut eqqartuussivik ikiorsiullugu akiligassanik akiliisitsiniarnerup akornusissavaa, aamma tamanna akuusunut marluusunut tamanna atuutissaaq. Aammattaaq inatsimmi 1908-meersumi § 1, imm. 2 malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq immikkut ittumik inatsisitigut tungaviussaaq, taamaalilluni piumasaqaat danske lov 5-14-4 malillugu ukiut 20-t qaangiunnerani pisoqalisootitsisarnerup ataani

inissinneqassalluni. Eqqartuussiviit avaqqullugit akiligassanik akiliisitsiniarnernut aningaasartuutit, akiliisitsiniarnernut eqqartuussivik ikiorsiullugu akiligassanik akiliisitsiniarnermi ilanngunneqarsimasut, aamma suliaq pillugu aningaasartuutit erniallu ilanngunneqarsimasut, ullormut tassunga, tassani eqqartuussiviup akiliisitsiniarnernut eqqartuussivik ikiorsiullugu akiligassanik akiliisitsiniarneq, akerliliissutinik saqqummiussisoqarsimannginnera pillugu oqaaseqaatitaliiffigisaa, aamma Danske Lov 5-14-4 malillugu ukiut 20-t qaangiunnerani pisoqalisootitsisarnerup ataanut ilaatinneqartussaavoq. Siunissami erniarineqartussat kisianni inatsisip 1908-meersumi ukiut 5 qaangiunnerani pisoqalisootitsisarnermut ilaatinneqassapput.

Akiligassalik piffissaliussap sapaatit akunnerinik 4-nik sivisussuseqartup iluani suliap aallarteqqinneqarnissaa piumasaaqatigisinnaagaa, § 263 f, imm. 3-mi siunnersuutigineqarpoq. Noqqaassuteqarneq Nunatsinni Eqqartuussivimmut saqqummiunneqassaaq. Noqqaassut najukkami eqqartuussivimmut saqqummiunneqarpat, tamanna pillugu najukkami eqqartuussiviup Nunatsinni Eqqartuussivik nalunaarfigissavaa. Noqqaassut kingusinnerusukkut saqqummiunneqarpat, kisianni ukioq 1 qaangiutsinnagu, Nunatsinni Eqqartuussiviup qaqutiguinnaq suliaq aallarteqqissinnaavaa. Akiligassallip suliamut aningaasartuutinik akileqquneqartunik akiliinissaa imaluunniit qularnaveeqqusiinissaa, suliamik aallartitseqqinnissamut piumasaaqatilerneqarsinnaavoq.

Eqqartuussisarnermik inatsimmi § 232 malillugu najuutinngitsoornermi eqqartuussissut eqqartuussissutigineqarsimatillugu suliap aallarteqqinneqarnissaanut malittarisassat atuuttut malillugit akiligassallip suliap aallarteqqinneqarnissaa periarfissarisagaa, tamatuma kinguneraa. Taamaalilluni, piffissaq eqqorlugu akerliliissutinik saqqummiussisoqarsimannginnera pillugu akiliisitsiniarnernut eqqartuussivik ikiorsiullugu akiligassanik akiliisitsiniarneq eqqartuussivimmit oqaaseqaatilerneqarsimanerata kingorna sapaatit akunnerisa 4-t iluanni tamanna pillugu noqqaassut saqqummiunneqarpat, akiligassallip suliap aallarteqqinneqarnissaa piumasaaqatigisinnaavaa.

Noqqaassut Nunatsinni Eqqartuussivimmut saqqummiunneqassaaq, kisianni akiligassallip noqqaassut najukkami eqqartuussivimmut saqqummiuppagu, assersuutigalugu akiliisitsiniarnernut eqqartuussivik ikiorsiullugu akiligassanik akiliisitsiniarnerup pinngitsaaliinikkut naammassinninniaanernut atatillugu, tamanna pillugu Nunatsinni

Eqqartuussiviup erngerluni nalunaarfigineqarnissaa najukkami eqqartuussiviup isumagissavaa.

Akiligassallip suliamut aningaasartuutit, akiligassalimmut akileqquneqartut, akilissagai, imaluunniit akiliinissamut qularnaveeqqusiinissaa eqqartuussiviup suliap aallarteqqinneqarnissaanut piumasaqaatigisinnaavaa, kisianni taanna eqqaassanngikkaanni, piffissaliussap sapaatit akunnerinik 4-nik sivissuseqartup naannginnerani noqqaassut saqqummiunneqarpat, akiligassalik aallartitseqqinnissamik ilumut piumasaqaateqarsinnaavoq. Suliamut aningaasartuutitut akitsuut, eqqartuussiviit naalagaaffik sinnerlugu akileqqutittagaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup tunniunneqarneranut atatillugu ilisimasalimmik akuusup sinniisaanut aningaasartuutaasinnaasut ilaatinneqarput, akerlianilli eqqartuussiviit avaqqullugit akiliisitsiniarnermut aningasartuutit ilaatinneqanngillat.

Akerliliissutit piffissaq eqqorlugu tiguneqarsimannginnerat pillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit oqaaseqaaserneqarnerata kingorna, aallartitseqqinnissaq pillugu sapaatit akunneri 4-t qaangiutereersut noqqaassut tunniunneqarpat, aallartitseqqinneq qaqtiguinnaq kisianni pisinnaassaaq. Najuutinngitsoornermi eqqartuussutit aallarteqqinneqarnissaat pillugu eqqartuussisarnermik inatsimmi § 232-imi malittarisassap ingerlanneqarnera assigalugu aallartitseqqissinnaanerup ingerlanneqarnissaa naatsorsuutigineqarpoq. Taamaalilluni ingammik aallartitseqqinnissaq pillugu noqqaassutip siusinnerusukkut tunniunneqarsimannginnera patsisissaqarnersoq eqqarsaatigineqarsinnaassaaq.

Suliaq aallarteqqinneqassappat, imm. 1-imi oqaaseqatigiit siulliit malillugit oqaaseqaat eqqartuussiviup atorunnaarsissagaa, aamma § 263 g malillugu suliaq ingerlatissagaa, § 263 f, imm. 4-imi siunnersuutigineqarpoq.

Imm. 1-imi oqaaseqatigiit siulliit malillugit, suliap aallartinneqaqqinneqarnerani oqaaseqaatip inatsisitigut malitseqartinneqarnera, atorunnaarsinneqarnera tamatuma kinguneraa. Tamatuma kingorna akiliisitsiniarnermut eqqartuussivik ikiorsiullugu akiligassamik akiliisitsiniarneq pinngitsaaliinikkut naammassiniarneqarsinnaajunnartussaassaaq, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu

akiligassallip pigisaanik tiguserersimaneq, eqqartuussisarnermik inatsimmi § 610, nr. 5 malillugu matumuuna atorunnaarsinneqarsinnaavoq. Pisunut akiligassallip § 263 g-tut siunnersuutigineqartoq erseqqinnerusumik malillugu akerliliissutinik saqqummiussinerani, akiligassaqaarfiup suna toqqarsimaneraa, suliap aallarteqqinneqarnerani suliamik ingerlatitseqqinnermut apeqqutaassaaq.

§ 263 g-mut

Akiligassallip piffissaq eqqorlugu akiligassaqaarfiup piumasaqaataanut akerliliissutinik eqqartuussivimmut nalunaaruteqarnerani, § 263 g-tut siunnersuutigineqartoq malittarisassanik imaqarpoq.

§ 263 e malillugu piffissaq eqqorlugu piumasaqaammut akerliliissutinik saqqummiussisoqarpat, aamma § 263 b, imm. 2, nr. 3 malillugu eqqartuussivimmut sassaqqusissummik tunniussisoqartinnagu eqqartuussivimmi suliassap aallartinneqarnissaa akiligassaqaarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut sassaqqusissummut naligiissinneqartoq, tunngavigalugu, eqqartuussivimmi suliassap sularineqarnera eqqartuussiviup aallartissagaa, siunnersuutigineqarpoq. Eqqartuussivimmi suliassap eqqartuussivimmut sassaqqusissummik tunniusseqqaarani aallartinneqarnissaa, akiligassaqaarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqaarfimmut nassiunneqassaaq, aamma akiligassalik tamanna pillugu nalunaarfigineqassaaq.

Pisumi uani eqqartuussivimmi suliassap eqqartuussivimmut sassaqqusissummik tunniussinani aallartinneqarnissaa akiligassaqaarfiup noqqaassutigisimappagu, eqqartuussivimmi suliassap aallartinneqassasoq, eqqartuussiviup isumagissagaa, tassami § 263 g-mi oqaaseqatigiittut siullertut siunnersuutigineqartoq malillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmut sassaqqusissummut naligiissinneqartussaamat, tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq nalunaarutiginnissutigineqareersimammat, eqqartuussiviup, massakkut eqqartuutitinniakkatut isigineqartup,

akiligassalik eqqartuussisarnermik inatsimmi § 220 malillugu akinissaanik pisussaaffilissagaa, aamma suliaq tamatuma kingorna Nunatsinni Eqqartuussivimmi inuit sakkutuujunngitsut pillugit eqqartuussivimmi suliassatut ingerlaqqissasoq, tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassallip akerliliissutai peqqissaarussamik tunngavilersorneqarsimappat, eqqartuutitinniakkap akissutaatut eqqartuussiviup akerliliissutit sularisinnaassavai, aamma taamaammat akiligassallip/eqqartuutitinniakkap eqqartuussisarnermik inatsimmi § 220 malillugu akinissaanik pisussaaffilernissaa minissinnaallugu. Taamaattoqarpat eqqartuutitinniagaq piffissaliussap erseqqinnerusumik taaneqartup iluani ilassutaasumik akissummik saqqummiussisimangippat, eqqartuussivimmi suliassap massakut aallartinneqarnera, aamma akerliliissutit tiguneqarsimasut eqqartuutitinniakkap akissutaatut isigineqassasut eqqartuussiviup akiligassalimmut/eqqartuutitinniakkamut nalunaarutigissavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmut sassaqqusissummut naligiissinneqarmat, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarnerani eqqartuussivimmut suliassamik suliassanngortitsinertut isigineqarnera, maluginiarneqassaaq. Tamanna assersuutigalugu eqqartuussivimmi suliap ingerlanerani akiligassa qarfiup annaasaqaataanut taartisissutigisassaata aallartinneqarnissaanut atatillugu atuutissaaq. Akuusut akornanni piunasaqaat taannarpiaq pillugu eqqartuussivimmi suliassap allap itigartinneqarnissaanut atatillugu (litis pendens (suliamut ingerlasumut)) taanna aamma pingaaruteqarsinnaavoq. Akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarnerata kingorna, eqqartuussivimmut suliassaq alla suliassanngortinneqarsimappat, suliassaq alla taanna, akiliisitsiniarnermut eqqartuussivik ikiorsiullugu akiligassanik aallartitsiniarneq tunngavigalugu aallartinneqartoq, taamaalilluni suliassanngortinneqarsimasutut siullertut isigineqassaaq.

Akiligassalik piffissaq eqqorlugu akerliliissutinik saqqummiussippat, eqqartuussivimmi suliassap eqqartuussivimmut sassaqqusissummik tunniussinani, eqqartuussivimmi suliassap *aallartinneqannginnissaa*, akiligassa qarfiup noqqaassutigisimappagu, suliaq naassaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqaarfimmut nassiunneqassaaq, aamma § 263 g-mi oqaaseqatigiit aappaattut siunnersuutigineqartoq malillugu akerliliissutinik tiguisoqarsimanera aamma tamanna pillugu akiligassaqaarfik akiligassalillu nalunaarfigineqassapput.

Nr. 2-mut

Pinngitsaaliinikkut naammassinninniaaneq pillugu eqqartuussisarnermik inatsimmi § 598 tunngassuteqarpoq.

§ 598, imm. 1, nr. 1-imi ”naammassiniarneqarsinnaasut” kingorna ”akiliisitsiniarnermut eqqartuussivik ikiorsiullugu akiligassanik akiliisitsiniarnerit § 263 f, imm. 1 malillugu oqaaseqaatitaqartut” ilanngunneqassasoq siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerit, Nunatsinni Eqqartuussivimmit nakkutilliiffineqarsimasut aamma akiligassalimmut, taanna piffissaq eqqorlugu piumasaaqammut akerliliissutinik saqqummiussisimatinnagu, nalunaarutiginnissutigineqarsimasut, akerliliissutinik saqqummiussisoqarsimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup oqaaseqaatitalerpagu, eqqartuussutitut naleqartillugu pinngitsaaliinikkut naammassinninniutigineqartussatut tunngaviusinnaanera, tamatuma kinguneraa.

Aammattaaq inatsisissatut siunnersuummut nalinginnaasumik oqaaseqaatini imm. 2.2 innersuussutigineqarpoq.

Nr. 3-mut

Pinngitsaaliinikkut naammassinninniaanernut tunngaviit § 598-imi taaneqartut pillugit naammassinninniaanernut piffissaliussanut assigiinngitsunut piffissaliussat eqqartuussisarnermik inatsimmi § 599 tunngassuteqarpoq.

Nutaatut § 599, imm. 2 ilanngunneqassasoq siunnersuutigineqarpoq, tamatumalu kingorna akiliisitsiniarnermut eqqartuussivik ikiorsiullugu

akiligassanik akiliisitsiniarneq § 263 f, imm. 1 malillugu oqaaseqaatitaqartut, erngerlutik naammassinninniutigineqarsinnaapput.

Akiliisitsiniarnermut eqqartuussivik ikiorsiullugu akiligassanik akiliisitsiniarnerit, Nunatsinni Eqqartuussivimmit nakkutilliiffigineqarsimasut aamma akiligassalimmut, taanna piffissaq eqqorlugu piumasagaammut akerliliissutinik saqqummiussisimatinnagu, nalunaarutiginnissutigineqarsimasut, akerliliissutinik saqqummiussisoqarsimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarnermi eqqartuussiviup oqaasertaliinerata kingorna erngerluni naammassinnitutigineqarsinnaassasoq, tamatuma kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 4-imut

Pinngitsaaliinikkut naammassinninniaanissaq pillugu noqqaassutip qaqugukkut tunniunneqarsinnaanera pillugu eqqartuussisarnermik inatsimmi § 600 taasivoq.

§ 599, imm. 6-imut innersuussinerup § 599, imm. 7-imut innersuussinermit allanngortinneqarnissaa § 600, imm. 1-imi oqaaseqatigiinni siullerni siunnersuutigineqarpoq.

Inatsisissatut siunnersuummi § 1, nr. 3 malillugu nutaamik § 599, imm. 2-mik ilanngussisoqarnissaa siunnersuutip kinguneraa, taamaalilluni § 599, imm. 6 atuuttoq § 599, imm. 7-inngussalluni.

Siunnersuut piviusut allanngortinneqarneranik kinguneqanngilaq.

Nr. 5-imut

Pinngitsaaliinikkut naammassinninniaanerup tunngaviinut akerliliissutit pillugit akiliisitsiniarnermut eqqartuussiviup suliarinneqqinneranik eqqartuussisarnermik inatsimmi § 609 tunngassuteqarpoq.

Eqqartuussutit eqqortuunerinut eqqartuussiviullu aalajangiinerinut akerliliissutit aamma eqqartuussivitsigoortumik isumaqatigiissutinut

akerliliissutit, eqqartuussiviup sulineranut tunngassuteqartut, pinngitsaaliinikkut naammassinninniaanerup nalaani atuutinneqarsinnaanngitsut, § 609, imm. 3-mi takuneqarsinnaavoq.

”aalajangiissutillu” kingorna ”kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq,” ilanngunneqassasoq, § 609, imm. 3-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussisarnermik inatsimmi § 263 f, imm. 1, inatsisissatut siunnersuummi § 1, nr. 1-imi oqaasertaliorneqartoq, malillugu oqaaseqaatitaqartup, eqqortuussusaanik akerliliissutit, pinngitsaaliinikkut naammassinninniaanerup nalaani atuutinneqarsinnaassannginnerat, tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq, Nunatsinni Eqqartuussivimmit nakkutilliiffiqarsimasoq aamma akiligassalimmut, taanna piumasqaammut piffissaq eqqorlugu akerliliissuteqarsimatinnagu, nalunaarutiginnissutigineqartoq, eqqartuussisarnermik inatsimmi § 263 f, imm. 2, inatsisissatut siunnersuummi § 1, nr. 1-itut oqaasertaliorneqartoq, malillugu, eqqartuussutitut sunniunniuteqartussaanera pillugu siunnersuutigineqartup, siunnersuut kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 6-imut

Eqqartuussisarnermik inatsimmi kapitali 55, Innuttaasut eqqartuussivikkut suliassiissutaasa siullermeeriffiusumik suliarineqarneranni akitsuutit”-nik qulequtaqartoq, § 708 sioqqullugu qulequtaq malillugu innuttaasut pillugit eqqartuussivimmi suliat eqqartuussummik naammassineqartut pillugit aamma § 718 sioqqullugu qulequtaq malillugu uppernarsaatissanik ilanngussisarneq il.il. pillugit tunngassuteqarpoq.

§ 708 sioqqullugu qulequtaq “*Innuttaasut pillugit eqqartuussivimmi suliat eqqartuussummik naammassineqartut aamma akiliisitsiniarnermut eqqartuussivik ikiorsiullugu akiligassanik akiliisitsiniarnerit*”-mik oqaasertaliorneqassasoq siunnersuutigineqarpoq.

Matumuuna aamma §§ 708-imut aamma 715-imut allannguutissatut siunnersuutigineqartut (inatsisissatut siunnersuummi § 1, nr. 7-imiit 9 ilanngullugu) malillugit, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu malittarisassat imarisatik malillugit naleqquttuuppata, eqqartuussisarnermik inatsimmi §§ 708-imiit 717 ilanngullugu atuutissasut, siunnersuutip kinguneraa.

Eqqartuussisarnermik inatsimmi § 708 allanngortinneqassasoq siunnersuutigineqarpoq, taamaalilluni akitsuutip, eqqartuussiviit naalagaaffik sinnerlugu akileqqutittagaata 500 kr.-iusup assinga, inatsisissattut siunnersuummi § 1, nr. 7 malillugu innuttaasut pillugit siullermeerinniffiusumik eqqartuussivimmi suliat naammassineqartut assigalugit akiliisitsiniarnermut eqqartuussivik ikiorsiullugu akiligassanik akiliisitsiniarnermi akilerneqartassalluni.

Naak akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassalinnut arlalinnut piumasaqaatinik imaqaraluartoq, akiliisitsiniarnermut eqqartuussivik ikiorsiullugu akiligassanik akiliisitsiniarnermut ataatsimut akitsuut 500 kr.-iusoq, eqqartuussiviit naalagaaffik sinnerlugu akileqqutittagaat, ataaseq taamaallaat akilerneqartussaassasoq, eqqartuussisarnermik inatsimmi § 709-p kinguneraa. Akiligassanik akileqqusissutinut aningaasat amerlassusaannut killiliussaq 100.000 kr.-iussasoq siunnersuutigineqarmat, aamma § 263-tut siunnersuutigineqartoq tassungalu oqaaseqaatit (inatsisissatut siunnersuummi § 1, nr. 1) malillugu akiliisitsiniarnermut eqqartuussivik ikiorsiullugu akiligassanik akiliisitsiniarnermi ataatsimi taamaamat 100.000 kr.-it sinnerlugit piumasaqaatigineqarsinnaanngimmata, maluginiarneqassaaq.

Suliassiissummi allamik peqataasussanngortitsineq aammalu suliassiissummi akuliuttoqarneq pillugu apeqqutit pillugit eqqartuussisarnermik inatsimmi §§ 710 aamma 711 aamma immikkut eqqartuussummut eqqartuutitinniakkap illuatungaaniit piumasaqaatai, akiliisitsiniarnermut eqqartuussivik ikiorsiullugu akiligassanik akiliisitsiniarnermut naleqquttuunaviannngillat.

Eqqartuussisarnermik inatsimmi § 712 akiliisitsiniarnermut eqqartuussivik ikiorsiullugu akiligassanik akiliisitsiniarnermut aallaaviatigut naleqquttuunaviannngilaq, kisianni akiliisitsiniarnermut eqqartuussivik

ikiorsiullugu akiligassanik akiliisitsineq kukkusumik najukkami eqqartuussivimmut tunniunneqarsimappat, aamma najukkami eqqartuussiviup Nunatsinni Eqqartuussivimmut nassiunnagu suliaq itigartitsissutigippagu, itigartitsinerup kingorna qaammatit 3 qaangiutsinnagit akiliisitsiniarnermut eqqartuussivik ikiorsiullugu akiligassanik akiliisitsiniarneq Nunatsinni Eqqartuussivimmut tunniunneqarpat, akitsuut, eqqartuussiviit naalagaaffik sinnerlugu akileqqutittagaat akilerneqaqqissanngimmat, tamatuma kinguneraa. Suliap Kalaallit Nunaanni eqqartuussivimmik piumasaqaatinik tamanik suliarinniffiusinnaasumik peqannginnera pissutigalugu itigartinneqarnera, tamatumalu kingorna akiligassalik Kalaallit Nunaanni eqqartuussivimmik piumasaqaatinik tamanik suliarinnissinnaasumik pissarsinera, pisuni qaqutigorluinnaq pisinnaagunartuni tassaasinnaavoq pisoq alla. Itigartitsinerup kingorna qaammatinit 3-nit sivikinnerusumik piffissaq ingerlasimappat, akiliisitsiniarnermut eqqartuussivik ikiorsiullugu akiligassanik akiliisitsiniarneq, nutaamik akitsuummik, eqqartuussiviit naalagaaffik sinnerlugu akileqqutittagaannik akileeqqinnani tunniunneqarsinnaassaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut suliamut namminerumut eqqartuussisarnermik inatsimmi § 713 naleqquttuunaviannngilaq, kisianni akiligassalik akerliliissutitik saqqummiussippat, aamma taamaattoqarpat nutaamik noqqaassuteqaqqaarani eqqartuussivimmi suliamik suliarinninnissaq akiligassaqaarfiup noqqaassutigisimappagu, eqqartuussiviup suliamik suliarinninnerata aallartinnerani suliaq, eqqartuussisarnermik inatsimmi § 225, imm. 2 malillugu Kalaallit Nunaanni atuisartunut pisisartunullu siunnersuisartoqatigiinnut nassiunneqarpat, aamma tamatuma kingorna suliaq akiligassallip taamaatitippagu, akiliisitsiniarnermut eqqartuussivik ikiorsiullugu akiligassamik akiliisitsiniarnermut akitsuut, eqqartuussiviit naalagaaffik sinnerlugu akileqqutittagaat, utertillugu akileqquneqarsinnaasoq, eqqartuussisarnermik inatsimmi § 713-ip kinguneraa.

Nunatta Eqqartuussisuuneqarfianut suliap aalajangeqqitassanngortinneqarnerata kingorna akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu suliaq, Nunatsinni Eqqartuussivimmut uterteqqinneqarpat, Nunatsinni Eqqartuussivimi akiliisitsiniarnermut eqqartuussivik ikiorsiullugu akiligassanik akiliisitsiniarnerup nutaamik suliareqqinneqarnerani nutaamik

akitsuummik, eqqartuussiviit naalagaaffik sinnerlugu akileqqutittagaannik akiliisoqassanngitsoq, eqqartuussisarnermik inatsimmi § 714-p kinguneraa.

Eqqartuussisarnermik inatsimmi § 715-ip allangortinneqarnissaa siunnersuutigineqarpoq, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarnermi inatsisissatut siunnersuummi § 1, nr. 9 malillugu akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarnerani akitsuummik akiliisussaatitaaneq pilissalluni.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut suliak akitsuusigaanngitsut pillugit eqqartuussisarnermik inatsimmi § 716, aamma akiliunneqarsinnaaneq aamma tjenestemandit, peqquneqarnikkut eqqartuussivimmi suliassanngortitsissut pillugit § 717, akiliisitsiniarnermut eqqartuussivik ikiorsiullugu akiligassanik akiliisitsiniarnermi aammattaaq sulisaatsimi pingaaruteqarnaviangillat.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 7-imut aamma 8-mut

Innuttaasut eqqartuussivikkut suliassiissutaasa siullermeeriffiusumik sularineqartarneranni akitsuut 500 kr.-iusoq eqqartuussisarnermik inatsimmi § 708-p aalajangersarpaa.

§ 708-imi “siullermeeriffiusumik” kingorna ”aamma akiliisitsiniarnermut eqqartuussivik ikiorsiullugu akiligassanik akiliisitsiniarneq” ilanngunneqassasoq siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut, soorlu siullermeeriffiusumik innuttaasunut eqqartuussivimmi suliak eqqartuussummik naammassineqartut assigalugit, akitsuummik, eqqartuussiviit naalagaaffik sinnerlugu akileqqutittagaannik, 500 kr.-iusumik akiliisoqarnissaa tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup, eqqartuussisarnermik inatsimmi § 715, nr. 1, inatsisissatut siunnersuummi § 1, nr. 9-tut oqaasertaliorneqartoq, malillugu

Nunatsinni Eqqartuussivimmut tunniunneqarnerani akitsuummik akiliisussaatitaaneq pilissaaq.

Akitsuut, eqqartuussiviit naalagaaffik sinnerlugu akileqqusartaat, akilerneqartinnagu, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarnerup misissuiffigineqarnissaa aallartissinnaassanngilaa.

Akiligassamik akileqquneqarnerup kingorna akitsuut akilerneqanngippat, akitsuutip akilerneqarnissaanut eqqartuussivik piffissamik aalajangiisinnaavoq, aamma piffissaliussap naanerani tamatuma kingorna akitsuut akilerneqanngippat, eqqartuussisarnermik inatsimmi § 737, imm. 1-imi oqaaseqatigiit aappaat pingajuallu malillugit akiliisitsiniarnermut eqqartuussivik ikiorsiullugu akiligassanik akiliisitsiniarnerup suliarineqarnissaa atorunnaarsinneqartutut isigineqassaaq, taassumalu allanngortinneqarnissaa siunnersuutigineqanngilaaq.

Nutaamik § 708, imm. 2-mik ilanngussisoqarnissaa siunnersuutigineqarpoq, taassumalu kingorna, § 603, imm. 1, imaluunnit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusineq pisinnaanngippat, aamma taamaattoqarpat § 263 b, imm. 2, nr. 1 malillugu nalunaarutiginninnerup mininneqarnissaa akiligassaqarfiup noqqaassutigisimappagu, akiligassanik akiliisitsiniarnermut eqqartuussivik ikiorsiullugu akiligassanik akiliisitsiniarnermik nalunaarutiginninneq mininneqarpat, akitsuummik akiliisussaatitaaneq atorunnaassaaq.

Aalajangersakkat taaneqartut malillugit akiligassallip pigisaanik tigusisinnaaneq pisinnaanngitsillugu *aamma* taamaattoqarpat akiliisitsiniarnermut eqqartuussivik ikiorsiullugu akiligassanik akiliisitsiniarnerup pillugu akiligassalimmut nalunaarutiginnissutigineqannginnissaa akiligassaqarfiup akiliisitsiniarnermut eqqartuussivik ikiorsiullugu akiligassanik akiliisitsiniarnermi toqqarsimappagu, taamaalilluni akiligassaqarfiup piumasqaataa pissutissaqavinnersoq isummerfiginagu, suliaq naammassineqassasoq, tamatuma kinguneraa.

Pisuni allani akitsuut, eqqartuussiviit naalagaaffik sinnerlugu akileqqutittagaat utertillugu akilerneqassanngilaaq, matumani akiliisitsiniarnermut eqqartuussivik ikiorsiullugu akiligassanik

akiliisitsiniarnerup amigaateqarnera pissutigalugu, imaluunniit suliap saqqummiunneqarnerani piunasaqaatip tunngavilersorneqannginnera pissutigalugu itigartinneqarnera, imaluunniit piunasaqaammut akiligassallip akerliliissuteqarneraa kingorna, aamma taamaalilluni eqqartuussiviup piunasaqaatip pissutissaqavinneranik isumminnginnera, suliaq akiligassaqarfup akiliisitsiniarnermut eqqartuussivik ikiorsiullugu akiligassanik akiliisitsiniarnermi toqqaaneraniit naammassineqarnera ilanngullugit.

Pisuni, taakkunani, akiligassallip akerliliissutinik saqqummiussisimannnginnera pillugu Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitersimatillugu, aamma pinngitsaaliinikkut naammassinninniaanissaq siunertaralugu najukkami eqqartuussivimmut akiliisitsiniarnermut eqqartuussivik ikiorsiullugu akiligassanik akiliisitsiniarneq nassiussimappagu, tamatumalu kingorna eqqartuussisarnermik inatsimmi § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissamik suliaqarnissaq najukkami eqqartuussiviup itigartitsissutigippagu, tassami massakkut akiligassallip pigisaanik tigusinissaq – akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa pillugu Nunatsinni Eqqartuussiviup aalajangerneranik akerliusumik – aalajangersakkat taakku malillugit, pisinnaanngimmat, akitsuut, eqqartuussiviit naalagaaffik sinnerlugu akileqqutittagaat aammattaaq akilerneqassanngilaq.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 9-mut

Akitsuummik akiliisussaataitanerup qaqugukkut pilersarnera pillugu eqqartuussisarnermik inatsimmi § 715 tunngassuteqarpoq.

Eqqartuussivimmut sassaqqusissutinut aamma inatsisitigut allakkiani, eqqartuussivimmi suliaq piareersarneqarnerani ilaasuni, akitsuummik akiliinissamut pissussaaffimmik imaqartuni, akitsuummik akiliisussaataitaneq tunniussinermi pilersartoq, eqqartuussisarnermik inatsimmi § 715, nr. 1-imi takuneqarsinnaavoq.

”suliassanngortitsissutit” kingorna ” akiliisitsiniarnermut eqqartuussivik ikiorsiullugu akiligassanik akiliisitsiniarnerit” ilanngunneqassasoq § 715, nr. 1-imi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut akitsuummik akiliisussaataaneq akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmuut tunniunneqarneranit pilissasoq, siunnersuutip kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 10-mut

Eqqartuussummik naammassisitsiniaanernut akitsuut, eqqartuussiviit naalagaaffik sinnerlugu akileqqutittagaat pillugu eqqartuussisarnermik inatsimmi § 720 tunngassuteqarpoq.

Akiligassallip pigisaanik tigusinermi akitsuummik 300 kr.-iusumik akiliisoqassasoq, Eqqartuussisarnermik inatsimmi § 720, imm. 1, nr. 1-imi takuneqarsinnaavoq.

Nutaamik § 720, imm. 2-mik ilanngussisoqarnissaa siunnersuutigineqarpoq, taassumalu § 263 f, imm. 1-imi oqaaseqatigiit aappaat malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninnaaneq aallartinneqartillugu, imm. 1, nr. 1 malillugu akitsuummik akiliisoqannginnissaa aalajangerpaa, taamaattoq § 722 takuuk.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut akiligassalik akerliliissutinik saqqummiussisimatinnagu, aamma akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassaqaarfiup toqqaanera naapertorlugu Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatalik, tamatuma kingorna najukkami eqqartuussivimmuut nassiuppagu, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussisarnermik

inatsimmi § 263 f, imm. 1-imi oqaaseqatigiit aappat, inatsisissatut siunnersuummi § 1, nr. 1-itut oqaasertaliorneqartoq, malillugu pinngitsaaliinikkut naammassinninniaanermut, akiliisitsiniarnermut eqqartuussivik ikiorsiullugu akiligassanik akiliisitsiniarneq, naligiissineqassaaq, aallaaviatigullu eqqartuussisarnermik inatsimmi § 720, imm. 1, nr. 1 malillugu akiligassallip pigisaanik tigusinermi akitsuummik, eqqartuussiviit naalagaaffik sinnerlugu akileqqutittagaannik akiliisoqannginnissaa, siunnersuutip kinguneraa.

Akitsuut, eqqartuussiviit naalagaaffik sinnerlugu akileqqutittagaat 500 kr.-iusoq, inatsisissatut siunnersuummi § 1, nr. 7 malillugu, akiliisitsiniarnermut eqqartuussivik ikiorsiullugu akiligassanik akiliisitsiniarnerup tunniunneqarnerani siunnersuut malillugu akilerneqartussaq, taamaalilluni pinngitsaaliinikkut naammassinninniaaneq aamma § 263 f, imm. 1-imi oqaaseqatigiit aappaattut siunnersuutigineqartup malitsigisaanik tulliuttumik nutaamik noqqaassuteqarani aallaartinneqarpat, pinngitsaaliinikkut naammassisitsineq matussusissavaa.

Pisuni, tassani akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatalik, pinngitsaaliinikkut naammassinninniarnerup aallartinneqannginnerani akiligassa qarfiup utertinneqarnissaa toqqarsimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu akiligassa qarfiup akiligassallip pigisaanik tigusisoqarnissaa kingusinnerusukkut noqqaassutigippagu, kisianni eqqartuussisarnermik inatsimmi § 720, imm. 1, nr. 1 malillugu akiligassallip pigisaanik tigusinissamik noqqaassuteqarnermut akitsuut, eqqartuussiviit naalagaaffik sinnerlugu akileqqutittagaat 300 kr.-iusoq akilertussaassavaa.

Aammattaaq akiligassa qarfik akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarnerata kingorna, eqqartuussisarnermut inatsimmi § 722-imut innersuussutigineqartussatut siunnersuutigineqartoq malillugu, piumasaqaat pillugu noqqaassummik nutaamik saqqummiussippat, akiligassallip pigisaanik tigusinermut akitsuummik, eqqartuussiviit naalagaaffik sinnerlugu akileqqutittagaannik, akiliisoqartussaassaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatalik, pinngitsaaliinikkut

naamassinninniaanissaq siunertaralugu Nunatsinni Eqqartuussivimmit najukkami eqqartuussivimmut nassiunneqarnera, akiligassaqarfimmit nutaamik noqqaassutaanngimmat, tassunga atatillugu maluginiarneqassaaq. Akiligassalik piumasaqaammut akerliliissuteqanngippat, nutaamik noqqaassuteqarani pinngitsaaliinikkut naamassinninniaanerup aallartinneqarnissaa akiligassaqarfiup akiliisitsiniarnermut eqqartuussivik ikiorsiullugu akiligassanik akiliisitsiniarnermi toqqarsimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naamassinninniaanermik noqqaassuteqarnertut atorneqassaaq, aamma piffissap ingerlanerani qaammatit 3 sinnerlugit qaangiutereersimanerat apequtaatinnagu, taamaattoqarpat pinngitsaaliinikkut naamassinninniaanep aallaqqaataani noqqaassut tunngavigalugu pisussaassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

§ 2-mut

Aalajangersagaq inatsisip atuutilernissanut tunngassuteqarpoq.

Inatsisip ulloq 1. juli 2025 atuutilernissaa siunnersuutigineqarpoq.

Ilanngussaq 1

Inatsisissatut siunnersuutip inatsimmut atuuttumut ataatsimoortinneqarnera

<i>Oqaasertaliussat atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq, kingusinnerusukkut inatsit nr. 1781, 28. december 2023-imeersoq, inatsit nr. 1782-imi § 2, 28. december 2023- imeersoq Intasit 1794, 29. december 2023-imeersoq aammalu inatsit 411, 23. april 2024-imeersoq, aqutugalugit allanngortinneqartoq, malillugit Kalaallit Nunaanni eqqartuussisarnermik inatsimmi allannguutit tulliuttut suliarineqassapput.</p>
§ 262. ---	<p>1. § 262-ip kingorna <i>immikkoortumi III- imi ilanngunneqassaaq:</i></p> <p style="text-align: center;">»Kapitali 22 <i>Akiliisitsisarnermut eqqartuussivik ikiorsiullugu akiligassanik akiliisitsiniarneq</i></p> <p>§ 263. Akiligassallip piumasaqaammut akerlilinnginnissaa imaluunniit illuatungaanit piumasaqaateqarnissani piumasarissanngikkaa akiligassa qarfiup ilimaginngippagu, kapitalimi matumani malittarisassat aningaasanut piumasaqaataasunut annerpaamik</p>

	<p>100.000 kr.-iusunut atorneqarsinnaapput. Erniat aningsartuutillu piunasaqaatip nalingata naatsorsorneqarnerani ilaatinneqassanngillat.</p> <p><i>Imm. 2.</i> Akiliisitsiniarnermut eqqartuussivik ikiorsiullugu akiligassanik akiliisitsiniarnermi aamma tassani akiligassallit arlallit taaneqarsimappata, akiligassalinnut tamanut immikkut immikkoortillugit malittarisassat §§ 263 d-miit 263 g ilanngullugu allassimasut atorneqassapput.</p> <p>§ 263 a. Akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarneratigut akiliisitsiniarneq aallartinneqassaaq.</p> <p><i>Imm. 2.</i> § 263 b, imm. 2, nr. 2 malillugu, akiligassallip pigisanik tigusinissaq nutaamik noqqaassuteqarani allartinneqarnissaa akiligassaqarfiup noqqaassutigippagu, § 601, imm. 1 aamma imm. 2-mi oqaaseqatigiit aappaat malillugit eqqartuussiviup piunasaqaatinik tamarmiusunik suliarinniffiunnaasup Kalaallit Nunaanniinnissaa piunasaqaataavoq.</p> <p><i>Imm. 3.</i> Aalajangersakkat taakku eqqortinneqarnerisa, taamaaliortoqanngippat akiligassarineqartut pisassarisat akilinngitsoorneqarnissaannik ilimanartorujussuarmik aarlerinaammik kinguneqassanngippata, akiliisitsiniarnermut eqqartuussivik</p>
--	--

	<p>ikiorsiullugu akiligassanik akiliisitsiniarnerup eqqartuussiivimmu tunniunneqannginnerani, akiligassalimmut akiligassanik akileeqqusissummik, imm. 4-imik aamma 5-imik piumasaqaatinik naammassinnittumik nassiussisoqarsimassaaq, aamma piffissaliussaq imm. 5-imi taaneqarsimasoq, naareersimassaaq.</p> <p><i>Imm. 4.</i> Akiligassanik akileeqqusissummi paasissutissat tamarmiusut, pisassarisap akiligassalimmit nalilersorneqarnissaanut pisariaqartinneqartut, erseqqissumik taaneqassapput.</p> <p><i>Imm. 5.</i> Piffissap sorliup iluani, akiligassalimmut aningaasartuutininik akiligassat annertusineqarnissaannut iliuuseqarfiusussaannngitsup, akiligassallip pissarisamik naammassillugu akiliiffigisinnaasaa, akiligassanik akileeqqusissummi taaneqassaaq. Akiligassanik akileeqqusissutip nassiunneqarneranit, ullunik minnerpaamik 14-inik piffissaliussaq sivissuseqassaaq.</p> <p>§ 263 b. Akiliisitsiniarnermut eqqartuussivik ikiorsiullugu akiligassanik akiliisitsiniarneq tulliuttunik imaqassaaq</p> <p>2) akuusut atii aamma najugaat, matumani najugaq, akiligassaqarfimmut nalunaarutininik nassiussiffigineqarsinnaasooq,</p> <p>2) akiligassaqarfup piumasaqaataa aamma</p>
--	--

3) akiligassa qarfiup
piumasaqaataanut tunuliaqutaasup
allaaserine qarnera.

Imm. 2. Paasissutissat tulliuttut
pillugit aammattaaq
akiliisitsiniarnermut eqqartuussivik
ikiorsiullugu akiligassanik
akiliisitsiniarneq imaqassaaq,

1) § 603, imm. 1, imaluunniit
akiliisinnaajunnaarnermut
inatsimmi §§ 16, 16 a, 31, 171
imaluunniit § 207, imm. 1
malillugit akiligassap pigisaanik
tigusisoqarsinnaanngippat,
akiliisitsiniarnermut eqqartuussivik
ikiorsiullugu akiligassanik
akiliisitsiniarneq pillugu
akiligassalimmut
nalunaarutiginnittoqarnissaa
akiligassa qarfiup kissaatigineraa,

2) akiligassalik akerlilinngippat,
akiligassallip pigisaanik
tigusinissaq nutaamik
noqqaassuteqaqqaarnani
aallartinneqassanersoq,
akiligassa qarfiup kissaatigineraa,
amma

3) akiligassalik akerlilippat,
akiliisitsiniarnermut eqqartuussivik
ikiorsiullugu akiligassanik
akiliisitsiniarneq tunngavigalugu
eqqartuussivimmi suliassamik
suliarinninneq
aallartinneqarnissaa,
akiligassa qarfiup
kissaatigine qarnera.

Imm. 3. Akiliisitsiniarnermut
eqqartuussivik ikiorsiullugu
akiligassanik akiliisitsiniarneq pillugu
Domstolsstyrelse malittarisassanik

erseqqinnerusunik
aalajangersaasinnaavoq, matumani
immersugassat immikkut ittut
atorneqarneqarnissaat aamma
akiliisitsiniarnermut eqqartuussivik
ikiorsiullugu akiligassanik
akiliisitsiniarnerup assilillugu
sanaqqinneqarnerata
tunniunneqarnissaa ilanngullugit.

Imm. 4. Nunatsinni Eqqartuussivik
immersugassat immersorneqarneranni
ilitsersuissaaq.

§ 263 c. Akiliisitsiniarnermut
eqqartuussivik ikiorsiullugu
akiligassanik akiliisitsiniarnerup
piumasaqaatit §§ 263-263 b-miittut
eqquutinngippagit, aalajangiinikkut
suliaq itigartitsissutigineqassaaq.
Suliap saqqummiunneqarnerani
akiligassa qarfiup piumasaqaatai
tunngavissaqanngitsutut isigineqar pata,
tamanna aamma atuuppoq.
Akiligassa qarfigineqartup
noqqaassuteqarneratigut itigartitsineq
pillugu aalajangiineq
tunngavilersorneqassaaq.

Imm. 2. Imm. 1-imi amigaatit
taaneqartut pillugit akiligassa qarfigisap
amigaatit iluarsineqarnissaannut
akiligassa qarfigisap eqqartuussiviup
piffissaliussamik tunisinnavaa.

Imm. 3. Suliami
aningaasartuutigineqartut
akilerneqarnissaat pillugit
eqqartuussivik aalajangiissaaq aamma
akiliisitsiniarnermut eqqartuussivik
ikiorsiullugu akiligassanik
akiliisitsiniarnermut tamanna pillugu
oqaaseqaateqassaaq.

§ 263 d. § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tiguisoqarsinnaanngippat, aamma § 263 b, imm. 2, nr. 1 malillugu akiligassa qarfiup taamaattoqassappat nalunaarutiginninnerup pinngitsoortigineqannginnissaa noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup imm. 2-mi ilitsersuummi taaneqartumi ilanngunneqartup, akiligassalimmut nalunaarutigineqarnissaa eqqartuussiviup isumagissavaa.

Imm. 2. Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussutip inatsisitigut malitseqartinneqarnera pillugu, aamma akiligassallip nammineq soqutigisami isumaginissaannut qanoq iliuuseqartariaqarnera pillugit, akiligassalimmut ilitsersuummik Domstolsstyrelse suliaqassaaq.

§ 263 e. Piumasaqaammut akiligassalik akerliliippat, akiligassallip akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnerup kingorna, sapaatit akunneri 4 qaangiutsinnagit akiligassalik allakkatigut tamanna pillugu eqqartuussivimmut nalunaaruteqassaaq.

	<p> § 263 f. § 263 e malillugu piffissaq saqqummiunneqanngippat, akerliliineq akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanna pillugu eqqartuussivik oqaaseqaateqassaaq aamma akuusut nalunaarfigissallugit. § 263 b, imm. 2, nr. 2 malillugu nutaamik noqqaassuteqartoqartinnagu akiligassallip pigisaanik tigusinissap suliarineqarnissaa akiligassa qarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup najukkami eqqartuussivimmut nassiutissavaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassinninniaanermut naligiissinneqassaaq. Nutaamik noqqaassuteqarnani akiligassallip pigisaanik tigusinissap suliarineqarnissaa akiligassa qarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup akiligassa qarfimmu nassiutissavaa. <i>Imm. 2.</i> Imm. 1-imi oqaaseqatigiit siulliit malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaateqarfigineqarpat, taanna eqqartuussutitut unioqqutinneqartussaannngitsumik sunniuteqalissaaq. </p>
--	--

Imm. 3. Sapaatit akunnerini 4-ni piffissaliussap iluani suliap aallarteqqinneqarnissaa akiligassallip piumasagaatigisinnaavaa. Noqqaassut Nunatsinni Eqqartuussivimmut saqqummiunneqassaaq. Noqqaassut najukkami eqqartuussivimmut saqqummiunneqarpat, najukkami eqqartuussiviup erngerluni tamanna pillugu Nunatsinni Eqqartuussivik nalunaarfigissavaa. Noqqaassut kingusinnerusukkut, kisianni ukioq 1 qaangiutsinnagu, saqqummiunneqarpat, qaqutiginnaq Nunatsinni Eqqartuussiviup suliaq aallarteqqissinnaavaa. Akiligassalimmit suliamut aningaasartuutit, akileqquneqartut, akilernerqarnissaat imaluunniit qularnaveeqquserneqarnissaat, aallartitseqqinnissamut piumasagaatigineqarsinnaapput.

Imm. 4. Suliaq aallarteqqinneqarpat, imm. 1-imi oqaaseqatigiit siulliit malillugit oqaaseqaat eqqartuussiviup atorunnaarsissavaa, aamma § 263 g malillugu suliaq ingerlatilissallugu.

§ 263 g. § 263 e malillugu piffissaq eqqorlugu piumasagaammut akerliliisoqarpat, aamma § 263 b, imm. 2, nr. 3 malillugu eqqartuussivimmut sassaqqusissummik tunniussinani eqqartuussivimmi suliap aallartinneqarnissaa akiligassaqarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut

	<p>sassaqqusissutitut naligiissinneqartoq, tunngavigalugu eqqartuussivimmi suliaq eqqartuussiviup aallartissavaa. Eqqartuussivimmi suliap eqqartuussivimmut sassaqqusissummik tunniussinani aallaartinneqarnissaa akiligassaqarfigisap noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqarfimmut nassiunneqassaaq, aamma tamanna pillugu akiligassalik nalunaarfigineqassaaq.«</p>
<p>§ 598. Pinngitsaaliinikkut naammassinninniaaneq pisinnaavoq makku tunngavigalugit</p> <p>1) eqqartuussutit aalajangiinerillu Kalaallit Nunaanni eqqartuussiviit imaluunniit pisortat oqartussaataaasa allat eqqartuussutigisimasaat imaluunniit aalajangiinerisimasaat, taakkualu aalajangiineri inatsit naapertorlugu naammassiniarneqarsinnaasut,</p> <p>2-9) ---</p> <p><i>Imm. 2-6. ---</i></p>	<p>2. § 598, imm. 1, nr. 1-imi, »naammassiniarneqarsinnaasut,« kingorna ilanngunneqassaaq: »akiliisitsiniarnermut eqqartuussivik ikiorsiullugu akiligassanik akiliisitsiniarnerit § 263 f, imm. 1 malillugu oqaaseqaatitaqartut«.</p>
<p>§ 599. ---</p> <p><i>Imm. 1.---</i></p> <p><i>Imm. 2.</i> Aalajangiinerit ingerlaannaq naammassinninniarneqarsinnaapput, aalajangiinerimi allatut aalajangiisoqarsimanngippat.</p> <p><i>Imm. 3.</i> Isumaqatigiisitsinikkut isumaqatigiissutit, § 598, imm. 1, nr. 2-mi taaneqartut, naammassinninniarneqarsinnaapput</p>	<p>3. § 599-imi imm. 2-p kingorna immikkoortut nutaatut ilanngunneqassaaq:</p> <p>»<i>Imm. 3.</i> Akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq, erngerluni naammassinninniutigineqarsinnaavoq.«</p>

<p>piumasaqaat akilerneqareersimasussaappat, taamaattoqassananili isumaqatigiisitsinikkut isumaqatigiisummi allatut aalajangiisoqarsimappat. <i>Imm. 4-6. ---</i></p>	<p>Tamatuma kingorna imm. 3-miit 6 ilanngullugu imm. 4-imiit 7 ilanngullugu immikkoortunngussapput.</p>
<p>§ 600. Pinngitsaaliinikkut naammassinninniaanissamik noqqaassut aatsaat tunniunneqarsinnaalissaaq § 599-imi taaneqartutut piffissaritit qaangiutereernerisigut. Piumasaqaatinut § 599, imm. 6-imi pineqartunut tunngatillugu noqqaassut siusinnerpaamik tunniunneqarsinnaalissaaq ullup piffissaq eqqorlugu akiliiffissap kingulliup aqaguaniit. <i>Imm. 2. ---</i></p>	<p>4. § 600, imm. 1-imi, oqaaseqatigiit aappaanni, »Imm. 6« ima allanngortinneqassaaq: »Imm. 7«.</p>
<p>§ 609. --- <i>Imm. 2. ---</i></p> <p><i>Imm. 3.</i> Eqqartuussutit aalajangiissutillu eqqortuunerannut akerliliissutit aamma eqqartuussivikkoortumik isumaqatigiisutigitinneqarsimasanut akerliliissutit, eqqartuussisut ingerlatsinerannut tunngassutill it, pinngitsaaliis sutitut naammassinninniaasoqarnerani</p>	<p>5. § 609, imm. 3-mi, »aalajangiissutillu« kingorna ilanngunneqassaaq: »kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq,«.</p>

<p>atortuutinniarneqarsinnaanngillat.</p>	
<p>Kapitali 55 <i>Innuttaasut eqqartuussivikkut suliassissutaasa siullermeeriffiusumik suliarineqarneranni akitsuutit Innuttaasut eqqartuussivikkut suliassiissutaat</i></p>	<p>§ 708 sioqqullugu qulequtaq ima oqaasertalerneqassaaq: <i>»Innuttaasut pillugit eqqartuussivimmi suliat eqqartuussummik naammassineqartut aamma akiliisitsiniarnermi eqqartuussivik ikiorsiullugu akiligassanik akiliisitsiniarnerit«.</i></p>
<p>§ 708. Innuttaasut eqqartuussivikkut suliaassiissutaannut siullermeeriffiusumik suliarineqartunut akitsuutit 500 koruunit akilerneqartassapput.</p>	<p>§ 708-imi »siullermeeriffiusumik« kingorna ilanngunneqassaaq: »amma akiliisitsiniarnermut eqqartuussivik ikiorsiullugu akiligassanik akiliisitsiniarneq«.</p>
<p>§ 708. ---</p>	<p>8. § 708-imi imm. 2-tut ilanngunneqassaaq: <i>»Imm. 2. § 603, imm. 1 malillugu akiligassallip pigisaanik tiguisoqarnissaata itigartitsissutigineqarnera, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 pissutigalugit akiliisitsiniarnermut eqqartuussivik ikiorsiullugu akiligassanik akiliisitsiniarnermut nalunaarutiginninnerup nalunaarutigineqarnera pinngitsoorpat, aamma § 263 b, imm. 2, nr. 1 malillugu taamaattoqassappat nalunnarutiginninnerup pinngitsoortinneqarnissaa akiligassaqarfiup noqqaassutigisimappagu, akitsuutinik</i></p>

	akiliisussaannermut pisussaaffik atorunnaarsinneqassaaq.«
<p>§ 715. Akitsuutinik akiliisussaaneq atuutilertassaaq</p> <p>1) suliassanngortitsissutinut suliassamilu allakkianut allanut akitsuuteqartussanik imaqartunut: tunniussisoqarnerani, 2-3) ---</p>	<p>9. § 715, nr. 1-imi, »suliassanngortitsissutinut« kingorna ilanngunneqassaaq: », akiliisitsiniarnermut eqqartuussivik ikiorsiullugu akiligassanik akiliisitsiniarneq«.</p>
<p>§ 720. ---</p> <p><i>Imm. 2.</i> Akiligassa qarfigisap akiitsulimmit ataasiusumit piumasagaatit arlaliusut pillugit qularnaveeqqusiissutaasumik pisassa qarneq tunngavigalugu qularnaveeqqutitut sillimmasiussinissaq noqqaassutigippagu akitsuut ataaseq akilerneqassaaq.</p> <p><i>Imm. 3.</i> Akiligassa qarfigisap akiitsulinnit arlalinnit piumasagaatit assigiit pillugit qularnaveeqqutitut sillimmasiussinissaq imaluunniit arsaarinnikkallarnissaq noqqaassutigippagu, akiitsullit tamarmik immikkut akitsuutinik akiliunneqassapput. Tamannali atuutissanngilaq akiitsullit aappariittut inooqatigiuppata imaluunniit noqqaassut illumut, akiitsulinnit peqatigiinnikkut pigineqartumut, tunngasuuppat.</p> <p><i>Imm. 4.</i> Akitsuutinik</p>	<p>§ 720-imi imm. 1-p kingorna immikkoortut nutaatut ilanngunneqassaaq: »Imm. 2. § 263 f, imm. 1-imi oqaaseqatigiit aappat malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninniaaneq aallartinneqarpat, imm. 1, nr. 1 malillugu akitsuut akilerneqassanngilaq, taamaattoq § 722 takuuk.«</p> <p>Tamatuma kingorna imm. 2-miit 4 ilanngullugu imm. 3-miit 5 ilanngullugu immikkoortunngussapput.</p>

<p>akiliisussaaneq atorunnaassaaq eqqartuussutinik naammassinninniaasartup qularnaveeqqutitut sillimmasiussinissaq § 603, imm. 1 malillugu itigartitsissutigippagu, imaluunniit suliassaq akiliisinnaajunnaarneq pillugu inatsimmi §§ 16-16 a, § 31, § 171 aamma § 207, imm. 1 malillugit itigartitsissutigineqarpat.</p>	
---	--